

КЕННЕТ ТЭЙЛОР

АСПАН, ХАНЗАДА ЖӘНЕ
БАСҚАЛАР ТУРАЛЫ

КЕННЕТ ТЭЙЛОР

АСПАН,
ХАНЗАДА
ЖӘНЕ
БАСҚАЛАР
ТУРАЛЫ



This book was first published in the United States by Moody Press. Copyright 1968 in the name of Moody Bible Institute of Chicago, Illinois. Copyright was reassigned to Kenneth Taylor in 1982. Translated by permission.

Taylor N., Kennet
«Devotion for the Children's Hour» in Kazakh.
Кеннет Тэйлор
Аспан, ханзада және басқалар туралы.
Қазақ тілінде, бірінші басылуы, 103 бет.
© 1993 «Шығыс Сәулесі» баспасы, Алматы

Құрметті ата-аналар!

Сіздерге ұсынылып отырған бұл кітап – Киелі кітап әңгімелерінің жинағы емес. Мұны „Мәсіх жолын қуушылар ілімінің қысқаша кіріспесі“ – деп айтуға да болады. Бұл кітапта күнәкарлық, аспан, Иса Мәсіх және көптеген басқа жайлар туралы жазылған.

Киелі кітап әңгімелері жарияланған кітаптар аз емес, бірақ балалар дін туралы ілімнің әлі де болса кең тарамаған негізімен таныс болғаны абзал.

Біздің балаларымыз Киелі кітаптың тамаша аңыз әңгімелерін біліп қана қоймай, әр шежіренің терең мағынасын да түсінуі керек. Оларда жазылған уақиғаның анықтығына және өздері үшін маңыздылығына балалардың көздері жетуі қажет. Біз бұл жолы балаларға Киелі кітаптың аңыздарын және оның ілімінің бір-бірімен байланысын қысқа әрі қызықты етіп баяндауға тырыстық.

Кітапты 7 жастағы бала оқыса да ұғады, 12-13 жасар балалар үшін де қызғылықты. Сонымен қатар біз балаларға Киелі кітап жайлы жазылған әңгімелері бар кітаптарды күнделікті оқуды уағыздаймыз, мысалы: „Балаларға арналған Киелі кітап“, „Құдайтағала – жаратқаным менің“. Аталған екі кітап бірін-бірі толықтырады, бірақ қай-қайсысы болмасын Киелі кітапқа жетпейді. Тіпті бірінші класқа барған балаға да дұрыс бағыт берсең, Марқа мен Лұқа жазған Ізгі хабарды оқи алады. Бала кітапты оқымас бұрын оның санасында дін жайлы түсінігі болу керек, сонда ғана,

ол оқып отырып өздігінен түсіне алады. Ондай дайындығы бар бала, көптеген жеңілтек мінезден аулақ болады. Киелі кітап ілімі бала үшін түсініксіз бұлдыр болса, онда оның мұқтажын шеше алмайды, ал егерде жастайынан шын берілсе онда ол серік болады.

Құдай Сөзі – бұл сенімді күш, мықты қорған. Бұл кітап балаларға осыны түсіндіреді.

Бұл кітапты семьяда күнде оқыған жөн. Мұны балаларға, сабақ ретінде де пайдалануға болады.

Әр әңгіменің соңындағы дұға жайлы да бірер ауыз сөз айта кетейік. Оны оқымаса да болады. Кейбір ата-аналар дұғаны оқымай қалдырып кеткенді жөн көреді, ал кейбіреуге дұға өзінің пайдасын тигізуі мүмкін. Қандай жағдайда болмасын, ұсынылып отырған дұға азық жасайды, сондықтан әр дұға жасаушы өз ойындағысын өзінше айтуы керек. Бұл кітапты баламен бірнеше рет қайталап оқу керек. Спердженнің айтуынша: бұрын бұршақ екенде, шұңқырға үш бұршақтан салыпты, бірі жердегі құрт үшін, екіншісі құс үшін, үшіншісі дән алу үшін.

Құдай сөзін балаға аздап бір-бір сөзден, Киелі кітап шындығын ұққанша қайталай отырып, қашан есінде жатқа сақтағанша үйрету керек.

1. БІР ҒАНА ҚҰДАЙ БАР

Кей елдерде Киелі кітапты оқымайтын халық Құдай туралы аз біледі, жаратушыға сенеді, бірақ әлемде Құдайды бірнешеу деп ойлайды. Біреулері Құдай екеу деп ойлайды, ал қайсыбірі төртеу деп сенеді. Кей халық жүз, тіпті мың Құдай бар деп санайды. Күн мен Айды да құдай деп сиынып, өзінің мұң-мұқтажын айтып жалбарынатын ел де бар.

Бізге Күн мен Ай ойлағанымыздай көмектесе ала ма? Әрине, жоқ! Оның өзін Құдайтағала жаратқан, сондықтан олар Құдай бола алмайды. Біз Жаратушы иенің жаратқан затына емес, өзіне табынуымыз керек.

Періштеге сиынуға бола ма? Олар да Құдай болып есептеле ме? Ол да жоқ. Періштелер тірі жәнтіктер есебінде. Періштелер біздің айналамызда жүр, бірақ біз оларды көре алмаймыз, оларға табынуға болмайды. Олар Құдай емес, Жаратушының айтқанын орындаушылар. Періштелерді Құдай Өзі жасады. Олар Құдайды жақсы көреді, сондықтан Оған қызмет істейді. Періштелердің санының көптігі соншалық, біз оның қанша екенін айта алмаймыз. Біз сиынған Құдайдан басқа аспанда Құдай бар ма? Бұл сұраққа сендер мына қысқа мысалды оқыған соң жауап бере аласыңдар.

Бір дін басшысы, Таяндан неше Құдай бар екенін білгісі келіп:

2. ҚҰДАЙ ДЕГЕН КІМ?

– Тая, әлемде неше Құдай бар? – деп сұрады.

Тая былай деді:

– Біреу.

– Оны сен қайдан білесің?

– Себебі әлемде басқа Құдайға орын жоқ, – деді кішкентай қыз. – Біздің Құдай бүкіл аспан мен жерді қамтып тұр.

Бұл өте орынды жауап. Сондықтан біз Құдайды, Ол жаратқанның бәрінен де артық сүюіміз керек.

Оқу үшін: Мысырдан көшу 20:1-6

Сұрақтар: 1. Әлемде қанша Құдай бар?

2. Біз Күн мен Айға табынып жалбарынсақ олар бізді ести ала ма?

3. Періштеге сиыну қажет пе? Олар Құдайдың санына жата ма?

Дұға: Біздің Аспандағы құрметті Әкеміз! Біздің жалғыз жаратушымыз! Өзің жасағанның бәрінен мықты болғандығың үшін құдіретіңе құлдық етеміз. Бір Өзіңді шын жүректен сүйіп, адал қызмет ету үшін ниетімізді қабыл ал. Біз мұны, Иса Мәсіхтің атынан өтінеміз. Әмин.

Құдай – ерекше тұлға. Ол аспанда тұрады. Киелі кітапта айтылған аспан, – біз күнде көріп жүрген, бұлттар жүзген, самолеттер ұшқан кәдуілгі аспан емес. Құдай тұрған аспанды біз ешқашан көре алмаймыз. Біз Құдай аспанда дегенімізбен, ол аспанның қайда екенін білмейміз. Бірақ, оның ғажаптығын білеміз және сонда барғымыз да келеді. Егер біз Құдайға құлдық жасасақ, онда біз өлгеннен кейін Құдай тұрған жерге барамыз және періштелерді кездестіреміз.

Құдай – Рух екенін білесіздер ме? Құдай – денесі жоқ ерекше тұлға. Сенде де, менде де дене бар, ол денеде рух бар. Ал Құдайға дене керек емес.

Ол жарық дүниедегі ең ерекше таңқаларлық болмыс. Ол ешқашан қателеспейді. Құдайдың ұлылығы соншалық, Оның қолынан келмейтін нәрсе жоқ. Не істеймін десе де бәрін жасай алады. Құдай бүкіл әлемді: аспан мен жерді, шөп пен ағашты, күнді, айды, жұлдыздарды жаратты. Ол періштелерді, сені және мені жаратты. Көзге көрінетін және көрінбейтіннің бәрін-бір Құдай жаратты. Ол күнді күркіретеді, найзағайды ойнатады, жаңбыр мен қарды да жаудырады.

Сонымен, Құдай қайда тұрады? Біз Оның, мекені – аспан екенін естігенбіз, бірақ, Ол біздің ортамызда да жүр, айтқанымыздың бәрін естиді. Бір мезгілде Құдайдың барлық жерде болып үлгеруі таңқаларлық жағдай емес пе? Ол үлкен мұхиттардағы кемедегі жолаушыны да шығарып салады, шет елге шыққан

керуенді де қорғап жүреді. Ал біз олай жасай алмаймыз, біз бір орнымызда тұрамыз. Құдай болса бір сәтте барлық жерде болып үлгере алады.

Ең кереметі – Жаратушы бізді жақсы көреді және бізге көмектеседі. Біз де Құдайды жақсы көреміз, күнәға батып, оны ренжіткіміз келмейді.

Оқу үшін: Ишая 6:1-8

- Сұрақтар:* 1. Құдайдың денесі бар ма?
2. Ең құрығанда, Құдайдың қазір қайда тұратыны туралы екі жерді айтшы?
3. Құдай қараңғы жерде, түнде көре ала ма?

Дұға: Біздің аспандағы Ұлы Құдайымыз! Бізге үнемі шапағатың тиіп жүргендіктен біз саған ризамыз. Әмин.

3. ҚҰДАЙ ҚАЙДАН ПАЙДА БОЛҒАН?

Біздің Құдай туралы естігендерімізді түсіну өте қиын. Мысалы, Ол бір мезгілде бар әлемде бола алады дегенді ұғып көрейікші. Құдай оның сырын бізге айтқан жоқ. Бірақ біз күндердің күнінде оның жауабын аспаннан ала аламыз.

Құдай қайдан жаратылған? Оның әке-шешесі бол-

ған ба? Жок, Құдайға әке мен шешенің керегі болмаған. Ол ешқашан туған да емес, бала болып аспанда өскен де емес. Ол әрдайым бар болатын және Ұлы болатын. Ол күні бүгінге дейін еш өзгерген жоқ.

Құдай сен тіпті сенің ата-бабаң тумай тұрғанда болған. Бұл дүниеде ағаш та, жер де, шөп те, аң да болмаған кезде Құдай бар болатын. Ол мәңгі жасайды.

Біз де мәңгі жасаймыз. Құдай бізді сол үшін жаратқан. Біз жер үстінде мәңгі болмаймыз. Біздің денеміз күндердің күнінде қартаяды, содан кейін бізге жерді тастап кетуімізге тура келеді. Біз тіршілікте Құдайды шын сүйсек, онда Құдайдың қасына мәңгі өмір сүруге бара аламыз. Құдайды жақсы көрудің орнына өзін-өзі жақсы көретін небір ақымақтар жер бетінде аз емес. Ол адамдар өлген соң Құдай оларды аспанға қабылдай алмайды. Олар мәңгі бақи қараңғы қапаста қалып, Құдайдан бөлек болады.

Біз де мәңгі өмір сүретін болғандықтан, өзімізді жер бетінде қалай ұстауды бақылауымыз керек. Бір бай адам өзінің мәңгі өмір сүретінін ұмытып кетіпті, мен сіздерге соның тарихын айтып берейін.

Оның егіні бітік болып, мол өнім алды. Қоймалары дөнге сықа толды. Бай байыған сайын қалтырауық болады деген ғой, ол астығын қымбатқа сатып, одан сайын баюды ойлады.

„Неткен ғажап! – деді ол өзіне-өзі. – Енді маған бұдан былай жұмыс істеудің қажеті жоқ. Не сатып алсам да, көңілім нені қаласа да, – бәрін алуға шамам жетеді!“

Түнде төсекте жатқанда да ойынан байлық кетпейтін. Кедейлерге қарасу керектігі қаперіне де кірмеді.

Ол сол түні өліп қалды. Енді оған Құдай алдында есеп беруге тура келді. Құдайға қызмет етіп, аурулар мен кедейлерге қарасып тұру керектігі, оның есіне сонда ғана түсті. Бірақ, олай етуге тым кеш еді.

Меніңше, сендердің ешқайсыларың осы бай сияқты ақмақ болмайсыңдар!

Оқу үшін: Лұқа жазған Ізгі хабар 12:16-28.

- Сұрақтар:*
1. Құдайдың туған күні бар ма?
 2. Жер бетіне тау мен ағаш болмай тұрып Құдай болды ма?
 3. Құдай қай уақыттан бері бар?
 4. Өлген соң қанша өмір сүресің?

Дұға: Аспандағы Әкеміз біздің! Мәңгі өмір бергенің үшін, біз Саған ризамыз. Бізге Өзіңді ренжітпей, өмір сүру үшін жәрдемдес. Осының бәрін Иса Мәсіхтің атына бағыштадық. Әмин.

4. ҚҰДАЙДЫҢ ҚАЙДА ЕКЕНІН КӨРМЕСЕК, ОНЫҢ БАР ЕКЕНІНЕ ҚАЛАЙ СЕНЕМІЗ?

Кім желді көре алады? Мен оны көре алмаймын, оны, әрине, сен де көре алмайсың. Бірақ біз желді көре алмағанымызбен жел барын білеміз. Жел соққанын басымыздағы желбіреген шашымыздан, сыбдырлаған шөп пен майысқан бұтақ арқылы сеземіз. Ал желдің өзін ешкім, еш қашан көрген емес.

Сол сияқты Құдайды да көре алмаймыз, бірақ, Оның, бар екенін білуге болады. Біз оны істеген ісіне қарап танимыз.

Құдайдың бар екенін дәлелдейтін Ол атқарған бірнеше істі айта аласың ба?

Мысалы, жұлдыздарды, күнді, айды айталық. Олар аспанға өз беттерімен барып орналасты ма? Әрине, жоқ. Оларды әйтеуір біреу орналастырған ғой. Сен күнде көріп жүрген үй де жер астынан өзі шыққан жоқ, оны да біреу тұрғызды. Аспанда самсаған жұлдыздарды көргенде, олардың да онда өздігінен бармағанын білеміз. Жұлдыздарды да әйтеуір біреу аспанға апарып, сол жерге қойды ғой. Сол „әйтеуір біреу“ деп отырғанымыз – Құдай.

Біз Құдайды неге көрмейтінімізді білесің бе? Құдайдың ғажаптығы мен тамашалығы соншалық, біз Оны көргенде өліп кетуіміз мүмкін. Егер біз Құдайдың айтқанын еш мүлтіксіз орындайтын болсақ, күндердің күнінде Ол бізді Өзіне, аспанға әкетеді де, біз оның дәуірлеп тұрғанын көреміз.

Біз, дәл қазір, Құдайды көрмесек те, біз Оның бар

екеніне сенеміз және жақсы көреміз. Киелі кітап бізге Құдай туралы, Оның құдіреті мен күші жайлы айта отырып, Оны жақсы көруге шақырады. Олай ету үшін Құдайдың, Өзін көру шарт емес.

Бір әйел өзінің қызына, – Құдайды жақсы көр, – деп міндеттепті. Қызы шешесіне айтыпты:

– Апа, мен Құдайды қалай жақсы көрем, егер оны бірде-бір рет көрмесем?

Бірнеше күн өткен соң, әлгі қыз, өмірі өзі танымайтын бір тәтейден почта арқылы сәлем-сауқат алыпты. Қыз абайлап, келген нәрсені ашып қараса, ішінде әдемі суретті кітапша екен. Таңырқап, көп қарап болған соң, қыз шешесіне келді.

– Апа, не деген керемет кітап! Мұны жіберген тәтей неткен жақсы адам!

– Кім жібергенін білмейсің ғой, сен.

– Оның рас, білмеймін, сөйте тұра, ол кісінің мейірбан екенін сеземін. Мұндай жақсы кітапты тек жақсы адам жібереді.

Біз де солай, Құдайдың Өзін көрмесек те, Оның Өзін жақсы көре аламыз. Құдай бізге көп нәрсе: басымызға баспана, әке мен шеше, тағы басқа игілікті істер сыйлады. Сондықтанда біз Оны құрметтеуіміз керек, әзірше Оны көре алмасақ та, Оған деген алғысымыз азаймау керек.

Оқу үшін: Бастау 1:14-28.

Сұрақтар: 1. Сен желді көре аласың ба? Желдің бар екенін қайдан білесің? Бірнеше мысал келтір.

2. Құдайды көре аласың ба? Оның дүниеде бар екенін қайдан білесің?

3. Оны қашан көреміз?

Дұға:

Қымбатты Тәңір! Біз Сен көрсеткен құдірет арқылы бар екеніңе сенеміз және ризашылық білдіреміз. Самсаған жұлдыздар, күн мен ай – Сенің құдіретің, – деп білеміз. Сол үшін біз күндердің күнінде Сенің жүзіңді көреміз, – деп ризашылық білдіреміз. Әмин.

5. ӘКЕ ҚҰДАЙ, ҰЛ ҚҰДАЙ ЖӘНЕ ҚАСИЕТТІ РУХ ҚҰДАЙ

Біздің білуімізше дүниеде бір-ақ Құдай бар. Бізге енді өте ұқыптылық керек, себебі, келесі айтылатын әңгімені түсіндіру қиын. Киелі кітаптың ішінде осы тақырып ең маңыздысы, әрі ең қиыны.

Біздің Аспандағы Әкеміз – Құдай. Бірақ сіздер Иса Мәсіхтің де Құдай екенін білесіздер ме? Сол сияқты, Қасиетті Рух та Құдай. Бірақ үш Құдай болғанымен Құдай үшеу болады деп ойламаңдар. Біздің жаратушымыз, үш бірліктен тұрады. Бұл үш Тұлға – Әкесі, Ұлы және Қасиетті Рух қалайша бір Құдай болып саналады? Мүмкін, Иса мәңгілік Құдайдың басқа аты

шығар? Жоқ! Әкесі, Ұлы және Қасиетті Рух бір Құдайдың әр түрлі аты емес. Құдай атқаратын міндеттер бөлініп берілген. Аспан мен жерді жаратқан Әке Құдай мен Ұл Құдай. „Мен және Әкем – біртұтас“, – дейді Иса.

Иса қайта тірілген соң Әке Құдайдың жанынан орын алу үшін аспанға қайта оралды. Бізге Ол Құдай болып саналатын Қасиетті Рухты жіберді. Қасиетті Рух Мәсіхке сенетін адамдарда болды.

Қалай болса да, жаратушы бір ғана Құдай бар. Кәне, үш бірліктің бір Құдай болғанын елестетіп көрейікші. Жоңышқаның жапырағына қараңдар. Оның үш жапырақшасы болса да, бір жапырақ болып есептеледі. Немесе, мысалы, суды алайық. Әдетте ол – сұйық зат. Қатты тоңазытсаң – мұзға, қайнатсаң – буға айналады. Бірақ, су, мұз, будың негізгі құрамы біреу-ақ. Осы мысал сендерге Құдайдың да үш бірліктен тұратынына сенулеріңе көмектеседі. Бірақ, біз мұны аспанға барғанда ғана толық түсінеміз.

Бізге мұны түсінудің бір керектігі – Исаны көпшілік ел Құдай деп санамайды. Ол егер Құдай болып саналмаса, онда бізге Құтқарушы да бола алмас еді. Егер де үш бірлік туралы ілімді толық түсінбесеңдер, сендер оған ренжімеңдер. Түсінбегендеріңе қарамай-ақ, Құдайға сеніп, Оның айтқанын орындай аласыңдар.

Оқу үшін: Марқа жазған Ізгі хабар 1:9-11,
Жохан 16:7-15

Сұрақтар: 1. Біз бірнеше Құдайға ма, әлде бір ғана Құдайға сиынамыз ба?

2. Біздің Құдай үш Бірліктен тұрады. Сен оларды атай аласың ба?

Дұға: Ұлы Құдай, біздің Аспандағы Әкеміз! Біз Сенің құдіретіңді толық түсіне алмаймыз. Біз Саған, бізді жақсы көргенің үшін ризамыз. Өзіңді бұдан да жақсы көруге және құрметтеуге көмектес. Біз мұны Иса Мәсіхтің атынан сұраймыз. Әмин.

6. ҚҰДАЙ АДАМДЫ НЕ ҮШІН ЖАРАТҚАН?

Құдай бізді не үшін жаратқан және біз неге өмір сүреміз?

Құдай бізді Өзін жақсы көруге және құрметтеу үшін жаратқан. Бізде Ұлы және кеңпейіл Құдай бар, сондықтан Ол бізден Өзіне риза болып қуануымызды күтеді. Сондай-ақ, Құдай Өзінің бізге деген ұлы махаббаты барын есте ұстауымызды тілейді. Құдай бізге деген Өзінің ұлы махаббатын біздің күнәміз бен айыбымызды мойнына көтерген Иса Мәсіхті – өлімге жіберу арқылы көрсетті. Құдайға біз шын жүректен риза болуымыз керек, себебі, біз Оның балалары бола аламыз. Бұған қоса, Құдай бізден ағайын-туғандарымызды да жақсы көруімізді күтеді. Құдайдың бізді жақсы көруі бізге басқаларды жақсы көру үшін күш береді.

Құдай адамды не үшін жаратқанын ұқтыңдар ма? Ол бізге керектінің бәрін жасады. Енді біз Құдайдың даңқын көтере аламыз. Оны жақсы көріп, Оның тілегін орындай аламыз.

Ал Сен Оны жақсы көресің бе? Сөйту үшін Ол саған ғұмыр береді.

Мен Құдайды өте жақсы көрген бір адам туралы естідім. Ол Құдайға ұнайтын өлеңді айтатын. Қайсыбіреулер оған, – даусың жаман ғой, одан да айтпайақ қойсаңшы, – дейтін. Сонда әлгі адам: „Менің Аспандағы Әкем даусым қарғадан да жаман қарқылдаса да риза болады“, – дейтін.

Егер біз Құдайды сүйсек, онымыз естіліп, әрі көрініп тұруы керек. Оған Құдай қуанады.

Оқу үшін: Жырл. 146

- Сұрақтар:* 1. Құдай бізді не үшін жаратты?
2. Құдай бізді Өзіне арнап өмір сүру үшін жаратты. Біз тек қана өзіміз үшін өмір сүре аламыз ба?
3. Сендер қалай ойлайсыңдар? Даусымыз нашар болса да біздің салған әнімізді Құдай естігісі келе ме?

Дұға: Аспандағы жаратушы Әкем, бізге қайырымды болуға көмектес. Сенің даңқыңды арттыру үшін және даңқың үшін өмір сүруге көмектес! Біз сенен мұның бәрін Иса Мәсіхтің атынан өтінеміз. Әмин.

7. ҰЛЫ ЖАРАТУШЫ ТУРАЛЫ АЙТА ТҮСЕЙІК

Сен көп білесің бе? Сен машина, самолеттер туралы білесің, сондай-ақ көптеген жайды оқи да аласың және жазасың. Бірақ, сенің ата-анаң сенен де көп біледі. Адам өмір бойы үйренеді. Әйтсе де өмірден қанша үйренгенімен, білмегенін үйренуге уақыты жетпей қалады.

Бәрін білетін Біреу бар: Ол – Құдай. Ол бәрін Өзі жасайды және бәрін де біледі. Ол сенің қазір не ойлап отырғаныңды да біледі. Ол тіпті бұдан бұрынғы мыңдаған жылдарда не болғанын да, болашақта не боларын да біледі. Құдай сенің Оны тіпті жақсы көретініңді, жақсы көрмейтініңді де біледі. Құдайды ешкім алдай алмайды, себебі, Ол барлық жерде болып, біліп үлгереді және ештеңені ешқашан ұмытпайды.

Құдайдың Өзі қажет деген нәрсенің бәрін жасауға құдіреті жетеді. Құдайтағаланың қолынан келмейтін ештеңе жоқ. Құдай науқасты та сауықтырып жібереді. Ол дауыл соқтыра алады және оны қайта тоқтатады. Ұлы Құдай адамдардың күнәсін кешіріп, оларға мәңгілік ғұмыр сыйлайды.

Құдайтағаланың тағы бір құдіреті біз үшін маңызды: Құдай өзгермейді. Ол кеше де, бүгін де сол күйі, әрі мәңгі. Ол ешқашан қартаймайды және қуаты азаймайды. Мүмкін сенің қартайып әлсіреген атаң мен әжең бар шығар. Адам өзгереді. Жас кезінде олардың күші де бар, денсаулығы да мықты, ал қартайғанда

бойдан күй кетеді. Құдай әуелде қандай болса, Ол ғасырлар бойы да сол күйінде қалады.

Құдай бізді сүйеді. Сондықтан бізге болашақты ойлаудың да Одан қорқудың да қажеті жоқ. Біздің Құдайымыз – таңғаларлық, және құдіреттінің құдіреттісі.

Оқу үшін: Жырл. 8

Сұрақтар: 1. Құдай жаратқан бірнеше нәрсені ата?
2. Бір Құдай ғана білетін нәрсені ата?
3. Құдай қартая ма?

Дұға: Біздің керемет және мәңгілік Құдайымыз, Аспандағы Әкеміз! Біз сенің қолыңнан бәрі келетіндіктен ризашылығымызды білдіреміз. Сондай-ақ, Сенің ешқашан өзгермейтіндігің үшін, Сенің бізге деген махаббатың үшін ризамыз және Сеннен өтінеміз: Сенің даңқынды шығарып өмір сүру үшін бізге көмектес. Әмин.

8. ПЕРІШТЕЛЕР

Құдай адамды жаратпай тұрып, аспанда өмір сүретін тірі жәндіктерді жасады. Киелі кітапта бұл тірі жәндіктерді періштелер деп атайды. Біз оларды көре

алмаймыз, сөйлесе де алмаймыз. Бірақ, олар бізді көреді. Олардың кейбіреулері бізге өте жақын жүреді. Періштелер бізді әрі қорғайды, әрі бізге көмектеседі.

Бірақ, мүлдем оларға сеніп, еш қаперсіз жүре беруге болмайды. Олай етсек, Құдайсыз да өмір сүруге болады, – деген ой келуі мүмкін. Құдай бізге өзің сақтанып жүрмесең де сақтаймын деген жоқ, бірақ періштелерге Өзінің балаларын қорғауды тапсырған.

Кейбір періштелердің өзіндік ерекшеліктері бар. Мысалы, біз дін туралы Қасиетті Жазудан періште Жәбірейілді оқыдық. Бұл – Құдайдың айрықша елшісі. Пайғамбар Даниел Құдайға бірнеше күн қатарынан жалбарынған соң Құдай оған осы періштені жіберді. Кейінірек осы періште Жақия Шоқындырушының әкесі – Захарияға да келді. Сондай-ақ ол Мариямға келіп: Құдай оны, Иса Мәсіхке ана болуға таңдап алғанын айтты.

Біз бұған қоса архангел Михаил туралы да оқығанбыз. Ол Құдай жаратқан періштелерің ішіндеті ең құдіреттісі болып саналады.

Вифлеем егістеріне бір топ періштелер келді де, малшыларға Құтқарушының туғандығын қуана хабарлап, Құдайды мадақтап әнге қосты.

Періштелерді де Құдай адам сияқты өзі жаратқан. Сондықтан біздің оған сиынуға хақымыз жоқ. Бір кездерде мүмкін сен де, – періште болғанға не жетсін, – деп ойлаған шырғарсың. Шындығында да, басқа біреу болғаннан гөрі, өзің болғаның жақсы. Періштелер – Құдайдың қызметшілері. Ал біз болсақ, Құдайдың балаларымыз. Құдайдың баласы болғаннан артық еш-

теңе жоқ. Құдай бізді мәңгілік өлімнен құтқарғаны үшін қуануымыз керек. Ол бізді мәңгіге қасына алуға уәде етті.

Бірнеше періштелерді көрген жас адамның оқиғасын айтып берейін. Ол адам пайғамбар Елисейдің қызметшісі еді. Пайғамбар Құдайдан халыққа Құдайдың құдіретін уағыздау жайлы тапсырма алған болатын. Бұрынғыдай күнәкәр болып жүре бергісі келген адамдарды пайғамбардың уағызы қатты ызаландырды. Бірақ, пайғамбар уағыз айтудан тиылан моқ. Сондықтан Елисейге қастық жасауға әрекеттенді. Содан соң патша, пайғамбарды жауапқа тартқысы келді. Оны тұтқындау үшін, Елисейдің тұрған қаласына бір топ әскерін жіберді. Бір күні, таңертең, бүкіл қаланы әскер қоршап алғанын пайғамбардың қызметшісі көргенде, пайғамбарға жүгіріп келіп:

– Енді қайттік? Біз әскердің қоршауында қалдық, сені тұтқындамақшы, – деді айқайлап.

Сонда пайғамбар оған былай сөйледі:

– Қорықпай-ақ қой, Құдай біздің жағымызда. Бізді күзететін періштелер айналамызда жүр.

Елисей Құдайға сиына бастады: „Жаратушым менің, қызметшімнің көзін аш, бізді қорғауға Өзің жіберген періштелерді көрсін“. Қызметші, Құдай қалап, өздерін қорғауға келген отты арбаларды көрді. Пайғамбар Елисей Құдайдан енді бұл келген әскерлерді уақытша соқыр етуді өгінді. Оның бұл айтқанын да Құдай орындады. Осылайша пайғамбар Елисей мен оның қызметшісі бір ажалдан аман қалды.

Оқу үшін: Елшіл. істері 12:5-17.

- Сурақтар:*
1. Біз періштелер туралы не білеміз?
 2. Ең құдыретті екі періштең аттары кім?
 3. Адам періште бола ала ма?
 4. Сеніңше қалай, Құдайдың баласы болған жақсы ма, әлде періште болу жақсы ма?

Дұға: Біздің Аспандағы Әкеміз! Өзіңе қызмет ету үшін періштелерді жараттың. Сенің періштелерің бізді қорғай жүргені үшін біз саған ризамыз. Біз Өзіңе бала болғанымыз үшін де ризамыз. Әмин.

9. ШАЙТАН ДЕГЕН КІМ?

Шайтанды біз көре алмаймыз, бірақ ол бар және үнемі бізге де Құдайға да бір жамандық жасағысы келіп жүреді. Ол әуелде Құдайдың ең ұлы періштесі болған. Сонан соң бас қызметкері болып, Құдай әмірін іске асырып жүрді. Күндердің күнінде ол Құдайға табынуды да, тыңдауды да қойды. Періштеге мұндай ой қайдан келгенін біз білмейміз. Періште Құдайды қызғанып, Онымен теңескісі келді. Содан бастып Құдаймен жауласып, күні бүгінге дейін Оған зауал жасау жолында жүр. Өзінің жауына Құдайдың шара қолданар уақыты болады. Тозақ деп аталатын орын бар. Шайтан және оған қызмет ететіндер соған түсіп, мәңгі азап шегеді. Шайтан жағына шығып кеткен періштелер де бар.

Мұндай тұрақсыз періштелерді Құдай сөзімен айтқанда әзәзіл, жын-пері дейді. Бұлар да шайтан сияқты, айналымызда рухтары ғана жүреді. Егер біз Исаны жақсы көріп, Оны жүрегімізде сақтасақ, олар бізге еш зауал жасай алмайды. Шайтан мен әзәзіл Иса Мәсіхтен өлердей қорқады, себебі, күндердің күнінде Оның оларды мәңгілік тозақ отында өртейтінін біледі.

Шайтан бізді де жауыздық жасауға итермелейді. Сондықтан есте болсын: Шайтанды тыңдаған адам күнәкар болады. Кей жерлерде шайтанның арбауы қатты болады, ондай жерден біз аулақ болуымыз керек. Кейбір адамдар шайтанмен тілдеседі, ондай адамдарды спирититер деп атайды. Ондай кездерде шайтан өңін өзгертіп, тіпті қайтыс болған туысқаның сияқты болып келеді. Құдай Сөзінде мұндай адамдармен сөйлесуге тиым салынған. Шайтан және оның көмекшілері алдауыштар болып есептеледі. Бір ауылда тұрған баланы шайтан әбден азғыртты. Ол бала Иса Мәсіхті білмейтін еді. Бірде, әлгі баланың әкесі, Исаның ауыл маңында екенін біліп, Исаға баласын ертіп барып, оның жүрегіне ұялаған жын-перілерді қууды өтінді. Иса оның бұл өтінішін орындап, шайтанға ол балаға қайта жоламауды бұйырды.

Исаға шайтанның әлі келмейді, себебі, Иса Мәсіх – Құдай.

Оқу үшін: Ишая 14:12-17

Матай жазған Ізгі хабар 17:14-18.

Сұрақтар: 1. Тозақ деген не?

2. Шайтан деген кім, ол бұрын кім еді?

3. Құдай мен шайтанның қайсысы күшті?
4. Шайтанның қандай мақсаттары бар?

Дұға:

Құдіреті күшті Құдайым, аспан мен жерді Жаратушы! Саған рақмет айтатын себебіміз, Сенің балаң болғандықтан, бізге шайтанның шамасы келмейді. Бүкіл қатыгез рухтар біздің Құтқарушымыз Иса Мәсіхтен қорқатын болғандықтан, Саған ризашылығымызды білдіреміз. Бұл өмірден өткенше, Өзіңе адал болуға көмектес. Біз Сенен осыны өзіміздің Құдайымыз – Иса Мәсіхтің атынан өтінеміз. Әмин.

10. АДАМ-АТА МЕН ХАУА-АНАНЫҢ ЖАРАТЫЛУЫ

Біз жаратушының жұлдыздарды, жерді, аңдарды тағы басқаларды қашан жаратқанын білмейміз. Бірақ, Ол бұнын бәрін қалай жасағанын білесің бе? Мұның бәрін жасағанда Оған ешқандай құрал-сайманның керегі де болмады. Мұның бәрін Құдай Өзінің Сөзімен ғана жаратты. Ол күнге нұрыңды түсір деді – күн нұрын шашты. Сондай-ақ, Құдай әр түрлі мал мен айуандарды, балық, құс, ағаш, шөп, және гүлді жаратты. Құдай жаратқан әлем сондай әдемі болды. Әуелде

тікен мен тікенек те болмады, аңдар да бір-біріне тиіспей, еркін жүрді.

Бәрін жаратып болған соң Құдай ең бірінші адамды: Адам-атаны жаратты. Киелі кітапта бұл оқиға былай жазылған: Жаратушы әуелі саз балшықтан адамның тұлғасын жасап, сонан соң оған жан бітірді. Ойлаңдаршы, алғаш рет Адам-ата жайнап тұрған бұл әлемді көргенде қандай күйде еді? Құдай соның бәрін тек адам үшін жасады. Құдай тіпті адаммен сөйлесті. Адам-ата өзін қалай жаратқанын сұрағанда, Құдай оған бәрін түсіндіргендей болды.

Құдай тағы бір адамды жаратуды жөн көрді, ол Адам-атаға көмекші, – Хауа-ананы жаратты. Әрине, ол Адам-атамен бақытты болды. Олардың ойында еш жамандық, жүректерінде кірбің болған жоқ. Құдай оларды жақсы көрді, олар Құдайды да жақсы көрді. Құдай адамды өзі жаратқанның бәрінен жоғары қойды. Адамның және әлемдегі басқалардың қалай жаратылғаны әрі құпия, әрі таңқаларлық. Солардың ішіндегі ең үлкен кереметі – біздің Құдайды ақылмен танып, жүрегімізбен сүйе алатындығымыз.

Оқу үшін: Бастау 2:7-25.

Сұрақтар: 1. Құдай Адам-атаны неден жасады?
2. Құдай Жерді қалайша жаратты?
3. Адам жаратылу тарихынан біз не үйрене аламыз?

Дұға: Біздің Аспандағы Әкеміз! Біз Саған аспан мен жерді жаратқаның үшін ризашы-

лығымызды білдіреміз. Біз Сенің құдіретіңнің күштілігі мен бізді жақсы көргенің үшін ризамыз. Біз Сені бұдан да жақсы көріп риза болып жүруіміз үшін көмектес. Әумин.

11. БҰЛ ӘЛЕМГЕ КҮНӘ ҚАЛАЙ КЕЛДІ?

Шайтан Құдайды тыңдамағандықтан, Ол одан әрі қарай Құдайға қызмет ете алмады. Адам-ата мен Хауа-ананың бақытты болғандығы және олар Құдайды жақсы көргендігі шайтанның ішін күйдірді. Сондықтан шайтан Адам-ата мен Хауа-ананы Құдайға қарсы қоймақ болды. Осы ойым орындалса, адамдардың бақыты бітеді деп есептеді. Онда Құдай оларды мәңгілікке ұжымақтан қуып, сөзсіз жазалайды.

Құдай адамдарға бақшадаы өсіп тұрған ағаштың біреуінің жемісін жеуге тыйым салды. Шайтан Хауа-анаға келіп, сендер Құдайды тыңдамасаңдар да, ол ештеме істемейді, – деді. Жаңағы жемісін жеуге шек қойылған ағаштан жесендер, барлық құпияны білетін боласыңдар, әрі оның жемісі сондай тәтті, – деп үгіттеді. Бұл сұмдық өтірік еді. Бірақ шайтанның сөзіне Хауа-ана сенді. Ол аталған ағаштың жемісін үзіп алды да өзі жеді, өзімен бірге Адам-атаға да жегізді. Сонан соң не болғанын білесіңдер ме? Адам-ата мен Хауа-ана, әлгі жемісті жеген соң, жан тапсыра бастады.

Олар біраз уақыт өмір сүргендерімен, өмірлері бұрынғыдай бақытты болмады, күн санап қартайып, әлсіреп, көңілсіз күйге енді. Сондықтан Құдай оларды керемет бақтан қуып жіберді де, қайта жолатпай қойды. Бұдан соң Адам-атаның жерінде қайдағы арам шөп пен тікенектер қаптап, оның жердегі жұмысы сондай ауырлады. Бұл азаптың бәрі Құдайды тыңдамағандығының кесірі еді. Кейіннен олардың балалары мен неменелері де тыңдамайтын болып шықты. Осының бәрі Құдай Сөзіне құлақ асуды азайтқандығымыздың салдары.

Сен білесің бе, егер әлемде ешкім бір-біріне қастық жасамаса, қандай жақсы болар еді. Онда ұры да, адам өлтіру де, соғыс та болмас еді. Әркім сыпайы болар еді, және бір-біріне көмектесер еді.

Адамдардың өзінің Жаратушысына қарсы шыққан күні – олардың өміріндегі ең бір оңбаған күн болды. Бұл тыңдамағандықты Киелі кітапта күнә дейді.

Адам-ата мен Хауа-ана шек қойылған ағаштың жемісін жегеннен ештеңе өзгермейді деп сенгені дұрыс болмады. Шайтан болса оларды әдейі азғырды.

Шайтан барлық уақытта адамдарды алдап, бізді Құдайды тыңдамауға шақырады. Ол бізге: „Егер Құдайды тыңдамасаңдар, бақытты боласыңдар“, – дейді. Бұл шындық емес. Құдай Өзін тыңдамағандарды жазалайды. Адам-ата мен Хауа-ананың көзі бұған тым кеш жетті.

Оқу үшін: Бастау 3:1-19

Сұрақтар: 1. Шайтан Құдайды жақсы көре ме?

2. Ол сенің Құдайды жақсы көруіңді қалай ма?

3. Хауа-анаға шайтан не айтты?

4. Адам-ата мен Хауа-ана шек қойылған ағаштың жемісін жеген соң оларға не болды?

Дұға:

Аспандағы біздің Әкеміз! Біз Өзіңді жиі тыңдамағандығымызға қатты өкінеміз. Бізге Өзіңді тыңдауға көмектес. Сондай-ақ шайтанның сөзіне алданбау үшін де көмектес. Біз мұны сенен Иса Мәсіхтің атынан өтінеміз. Әмин.

12. ҚҰДАЙДЫҢ ОЙЫНДА – ҚҮНӘДАН ҚҰТҚАРУШЫНЫ ЖІБЕРУ

Біз Адам-ата мен Хауа-ананың күнәға батқан қасіретті күні жайлы естідік. Олар өздерінің дұшпаны шайтанды тыңдап, соның кесірінен үлкен бақытсыздыққа душар болды.

Бірақ бізді жақсы көріп жаратқан Құдай, адамдардың жүрегінде ашудың болмауын тіледі. Ол алғашқы адамдарды күнәсі үшін айыптағанымен оларды мүлде жек көріп кеткен жоқ. Құдай сені де жақсы көреді, сен Оны жиі-жиі өзіңнің кейбір жаман қылықтарыңмен ренжітіп жүрсең де, саған теріс қарамайды.

Құдай сені де, мені де жазадан құтқарғысы келеді. Бұл жазадан адамдарды арашалап қалуды өз мойнына алған Жаратушы – жерге Өз Ұлын – Иса Мәсіхті жіберуді ұйғарды. Иса жер бетіндегі барлық адамның жасаған күнәсі үшін жазалануға тиісті еді.

Сондықтан Иса Вифлеем деген жерде нәресте болып туды. Ол сол жерде өзге балалар сияқты ер жетті, бірақ ешқандай күнә жасаған да жоқ, ешкімге жамандық ойлаған да жоқ. Құдай Өзінің Ұлын сенің және менің күнәм үшін жазалады. Қатыгез адамдар Исаны айқыш ағашқа әкеліп шегеледі де, Ол бәріміздің күнәміз үшін сол жерде өлді. Иса біз үшін қандай азап шеккенін қазір елестете де алмаймыз. Ол Өз еркімен біз үшін қайғы-қасірет көрді. Дәл осы жағдай Оның бізге деген махаббатын көрсетеді.

Бірде, ұрлық жасаған адамды тұтқындаған еді. Оны сот алдына әкелді. Бір ғажабы, сотталушы соттың бұрынғы досы екен. Сот әділ болу керек, сондықтан ол қандай жақын жолдасы болғанымен, бұл күнәсі үшін оны айыптамай жібере алмады. Сот: ұры – алған ақшаны қайырып, бір ай түрмеде отырды деп, – үкім етті.

– Бірақ бұл ақша менде қазір жоқ қой, – деді ұры.

Осы жерде сот таң қаларлық іс істеді.

– Жақсы, – деді ол. – Сенің қарызыңды мен-ақ төлейін.

Сөйтті де ақшасын суырып берді.

– Ал енді, – деді сот, – мен сен үшін түрмеде отырайын. Сен үйіңе қайт, семьяңа бар.

Сөйтіп бір ай бойы сот түрмеде отырды, ал ұры болса босанып, үйіне қайтты, семьясына қосылды.

Құдай да дәл осылай жасады. Өз күнәміз үшін, бәріміз де жазалануымыз керек еді. Бұл жаза – мәңгілік өлім, Құдайдан мәңгілік аластап кету болды. Бірақ, Иса біздің күнәмізді Өз мойнына алып, біздің мәңгі өмір сүруіміз үшін Өз өмірін қиды. Меніңше, Оның бізге деген ұлы махаббатын ешқашан тиісті дәрежеде ақтай алмаймыз. Ал сен қалай ойлайсың?

Оқу үшін: Лұка жазған Ізгі хабар 22:39-46 және 23:27-38.

- Сұрақтар:*
1. Құдай сені неге қатты сүйеді?
 2. Сенің Құдайға деген сүйіспеншілігің қандай?
 3. Құдайға деген сүйіспеншілігіңді сен қалай көрсете аласың?

Дұға: Аспандағы Әкеміз! Құдайымыз – Иса Мәсіхтің бізді жақсы көріп, айқыш ағашта өлгенін жақсы білеміз. Исаны шын жүрегімізбен сүйеге бізге көмектес. Барлық өмірімізді Саған қызмет ету үшін арнағымыз келеді, жүрегімізді де тек Өзіңе ұсынамыз. Әмин.

13. БІЗДІҢ МЕЙІРІМДІ ҚОЛДАУШЫМЫЗ

Иса аспанда не істеп жүргенін сен білесің бе? Кімде-кім шын жүректен сенім білдірсе, Ол оған да ара түседі. Шайтан Құдайға келіп, біздің істеген күнәләрімізді шетінен тізіп айтқан кезде, Иса тұрып: „Мен олар үшін айқыш ағашта өлдім“, – дейді. Ол бізге қателерін қайта түзетсін деп, Өзінің Қасиетті Рухын жіберіп, істеген күнәмізді көрсетіп тұрады.

Иса біздің мейірімді Қолдаушымыз. Ол Құдайдың баласы қалай өмір сүруге тиісті болса, бізге де солай өмір сүруге көмектеседі.

Алайда, Иса бізді ғана емес, басқа да адамдарды жақсы көретінін ұмытпауымыз керек. Ол бізге басқа адамдарға да, Құдай жөнінде айтуға көмектеседі. Барлық жерде Иса Мәсіхтің біз үшін өлгенін айтып жүруімізді қалайды. Ол Өзінің балаларын басқа адамдармен кездессін деп, әр жерге жібереді. Осылайша, көптеген адамдар өздерінің құтқарылатыны жөнінде қуанышты хабар естиді. Иса барлық адамзатты жақсы көреді, тіпті Өзі жайлы білгісі келмейтіндерге де теріс қарамайды.

Оқу үшін: Румдіктерге хат 8:35-39

Сұрақтар: 1. Иса аспанда біз үшін не істейді?

2. Исаның бізге деген махаббатын неден көреміз?

3. Біз барлық адамдарға не туралы айтуға тиістіміз?

Дұға: Аспандағы біздің Әкеміз, бізге деген Сенің ұлы махаббатың үшін, және Сенің қолыңнан бізді ешкім тартып ала алмайтындығы үшін рақмет айтамыз. Өзінді сүйеге және Сенің ырқыңда болуға көмектес. Құтқарушының құдіретін елге айтып жеткізу үшін бізге күш-жігер бер. Мұның бәрін біз Сеннен, Құдайымыз – Иса Мәсіхтің атынан өтінеміз. Әмин.

14. ЕГЕР ИСАҒА, – ТЕК МЕНІҢ ҒАНА ҚҰТҚАРУШЫМ БОЛА ГӨР, – ДЕП ӨТІНСЕК НЕ БОЛАДЫ?

Құдай мәңгілік. Оның бастауы да, бітуі де жоқ. Ең басында адам да, біздің жер де болған жоқ. Құдай тек мәңгілік қана емес, ол бәрін де ілгері бастайды. Ол атам заманында-ақ, сенің қашан туатыныңды білген және сені жақсы көрген.

Сондай-ақ, күндердің күнінде сенің жасайтын күнәнді де білген. Күнәң үшін ол ренжіді. Ол сені осы күнәң үшін айыптайтынын да сезді. Бірақ, Ол сені айыптағысы келмей, күнәні Өз мойнына алды. Иса аспандағы туған Әкесінің үйін тастап, менің және сенің күнәнді көтеру үшін жерге келді. Бұл бұдан 2000 жыл бұрын еді. Иса барлық адамдар үшін өлді. Сен

Одан енді, өзімнің жеке құтқарушым бол, – деп сұрауыңа болады. Мүмкін, сен мұны қалай жасау керек екенін әлі білмейтін шығарсың. Бұл онша қиын емес. Иса біздің күнәләрімізден тазаланғымыз келетінін баяғыда-ақ білген. Ол біз дұға оқығанда өзіміздің тілегімізді қоса айтуымызды ұнатады. Мысалы, былай: „Қымбатты Иса, менің өмірде істеген көптеген күнәләрім бар және Сені жиі ренжіттім. Кешір мені! Сен жерге келіп менің күнәмді көтердің және мен үшін Өз өміріңді құрбан еттің. Менің мәңгілік өмір сүруім үшін Сен айқыш ағашта өлдің. Сенің маған деген мейірімің үшін мен ризамын. Мен өзіме-өзім ешқашан кемектесе алмадым, ал Сен мені мәңгі құтқардың. Соған мен ризамын. Әумин“.

Саған әрине тура осы сөздерді қайталап айтудың да қажеті жоқ. Сен өзіңше, өз сөзіңмен дұға оқуыңа болады.

Иса өзіміз істеген күнәмізға кешірім сұрағанда қуанады. Мүмкін, сен одан осылай өтінген де боларсың? Егер кешірім сұрамаған болсаң, онда тура қазір сұра. Құдай сенің қашан сұрайтыныңды күтіп жүр.

Оқу үшін: Жохан жазған Ізгі хабар 3:1-18

Сұрақтар: 1. Сенің күнәләрің үшін кім жазаланды?
2. Иса біздің Құтқарушымыз болу үшін, біз не істеуіміз керек?

Дұға: Бізді сүйетін Иса! Мен өзіме мәңгілік өмірді еш нәрсемен ақтай алмайтынымды білемін. Бірақ Саған шын көңілден рақметімді айтамын, себебі, Сен менің Құтқарушым-

сың. Сондай-ақ Сенімен аспанда мәңгі бірге болатыныма тағы рақмет айтамын. Әумин.

15. ИСА МЕНІ НЕ ҮШІН ҚҰТҚАРДЫ?

Бір адамның иті болды. Ол оны тамақтандыратын, күтетін және үнемі бірге болатын. Бірде ол кемеден саяхатқа шықты, иті де өзімен бірге еді. Соңынан еріп жүгіріп жүріп бір уақытта иті суға түсіп кетті. Иттің иесі жүгіріп барып кеме капитанына айқай салды:

– Менің итім! Менің сүйікті итім құлап кетті! Кемені тез тоқтатыңызшы? Әйтпесе ол суға батып кетеді.

Капитан тек күліп жіберді:

– Біз бір итке бола тоқтай алмаймыз ғой...

– Егер кемеден адам құласа тоқтатар ма едіңіз?

– Әрине, – деді капитан.

Осы сәтте иттің иесі кемеден суға секіріп кетті. Капитанға адамды құтқару үшін, кемені еріксіз тоқтатуға тура келді. Сонымен екеуі де, иесі де, иті де құтқарылды.

Иттің иесі итің қаншалықты жақсы көрсе, Иса бізді одан да, әлдеқайда артық көреді. Иса біз батып жатқан „күнә теңізіне түсіп“ бізді құтқарды.

Барлық періште, сондай-ақ шайтан өзінің қызмет-

керлерімен, Құдайдың бізге деген керемет махаббатын көріп тұрады. Оның бізге деген ұлы махаббаты соншалық, біздің күнәкер екенімізге де қарамайды. Иса Мәсіхті сүю үшін Ол бізге жаңа жүрек сыйлайды. Аспандағы періштелер Құдайдың біз үшін істегендеріне алғыстарын айтады. Олар сенің Исаны сүйгенің үшін қуанады. Біздің Құдай қалағанындай әлі бола алмай жүргеніміз өкінішті-ақ. Біз көптеген жаман нәрсе жасаймыз. О дүниеге барғанда біздің қандай болатынымызды Құдай осы күні-ақ көріп тұр. Иса Мәсіхтің жазалануы арқасында барлығы да кешірілді. Біз тек Құтқарушымызға ғана сенуіміз керек, ал қалған күнәдән Құдай алдында арыламыз.

Оқу үшін: Лұқа жазған Ізгі хабар 15:3-7, 11-24.

Сұрақтар: 1. Күнәкерлер өздігінен Құдай балалары болулары мүмкін бе?
2. Кім бізді Құдай баласы ете алады?
3. Мен Құдайдың баласы болуым қалай болмақ?

Дұға: Иса Мәсіх, мен Саған менің күнәм үшін өлгеніңе рахметімді айтамын. Әумин.

16. ЕГЕР МЕН ЖАҚСЫ БОЛУҒА ТЫРЫССАМ, ИСА МЕНІ ҚҰТҚАРА МА?

Біз қанша жақсы боламыз дегенмен, Құдайға сонша ұнайтындай бола алмайтынымызды білесің бе? Кей бала ойлайды: „Егер мен әрқашан ата-анамның тілін алатын бала болуға тырыссам, бөтен балалармен таласып төбелеспесем, әлім келетіндерді ренжітпесем – онда аспанға менде барамын“.

Бірақ, мұның бәрі бұлай емес. Ешкім өз қалауымен жұмаққа бара алмайды. Себебі, біз бәрібір сөздерімізбен, істерімізбен Құдайды ренжітіп аламыз, біз қанша тежелгенмен, әр күні ең құрығанда бір жаман сөз айтамыз, не бір жаман ой келеді. Бұл біздің жүрегімізде әлі көптеген қатыгездік бар екенін көрсетеді.

Біз алдағы уақытта әрқашан дұрыс жүргеннің өзінде – біздің бұрынғы күнәләрымыз мойнымызда қала береді. Одан қалай құтыламыз? Тағы бір сұрақ: Құдайдан жаза алу үшін адам қанша рет күнә істеуі керек? Он ба, әлде жүз бе? Жоқ, бір күнә да жеткілікті.

Алғашқы адам Адам-ата мен Хауа-ана Құдайды тыңдамай, Едемдегі бақта күнәға батты емес пе? Содан бастап, барлық адам күнәкер болып жүр. Сондай-ақ, кейбір кішкене балалар ата-анасын тыңдамай төбелеседі, ұрысып-таласады. Біз қанша тырысқанмен, не істесек те, жұмаққа баратындай қылық жасай алмаймыз. Жаратушы әділ, Ол адамдардың күнәсі үшін айыптауға тиісті. Бірақ, Құдай адамды сүйеді. Сондықтан Ол бізді жазаламай Өзінің жалғыз туған Ұлын,

бәріміздің күнәмізді көтертіп, жазалады. Иса Мәсіх менің және сенің күнәң үшін өлді. Ол біздің жазамызды тартты. Сенесің бе, Иса сені жақсы көргені соншалық, сен үшін Өз өмірін құрбан етті!

Оқу үшін: Румдіктерге хат 3:10-18, 23.

Сұрақтар: 1. Жаман қылық жасаған кезің болды ма? Бір, екі мысал келтір.
2. Қанша күнә жасағандар жұмаққа бара алмайды?
3. Құтқарылуың үшін не істеуің керек ?

Дұға: Қымбатты біздің аспандағы Әкеміз! Бәріміз де Сенің алдында күнәліміз. Бірақ, Сен біздің күнәләріміз үшін Өзіңнің Ұлыңды өлімге қидың. Бізге жұмақтан орын алып қойғаның үшін шын жүректен ризашылық білдіреміз. Әмин.

17. ПАТШАНЫҢ БАЛАЛАРЫ

Кейде біз: Мәсіх жолын қушы-бұл Құдайдың баласы, – дейміз. Егер солай десек, біз сонда өз ата-анамыздың балалары болмағанымыз ба? Әрине, жоқ. Құдай ата-ананы бізге қамқорлық жасауға және бізді сүю үшін берген. Құдай бізге қамқорлықты ата-анала-

рымыздан да артық жасайды, себебі, Ол бізді олардан да артық жақсы көреді. Егер біз Оның Баласына сеніп-сиынып, әрі Оны жақсы көре білсек, онда Құдай бізді өз баласындай санап, семьясына қосады. Әрине, бұл ғажап емес пе?

Неге және не үшін Құдай бізді Өзінің баласы етіп қабылдайды? Бұрын күнәкәр болған адамды да, Ол неге бала қылады? Біз үшін бұл құпия күйінде қалады. Алайда, Киелі кітапта Құдай бізді балам деуден ұялмайды, – делінген. Ол бізді ешқашан кері итермек емес. Жаратушы бізді сүйеді, тіпті кейде тыңдамай кеткенде де теріс айналмайды. Оның айналасында тандап алған, сүйікті ешкімі жоқ. Кейде бізді әділет үшін жазалауға тура келгенімен, ол бізді баласы болғандықтан, бәрібір жек көрмейді.

Егер Құдай біздің аспандағы Жаратушы Әкеміз болса, онда Иса Мәсіх – Құдайдың Ұлы, – шын жүректен бізді сүйетін үлкен Ағамыз.

Киелі кітап бойынша айтқанда, Иса бізді бауырым-қарындасым деуден ешқашан ұялмайды. Ол Құдайдың үлкен семьясына бізді мүше жасау үшін өлді. Иса аспандағы Әкесінен не алса, бізге соның бәрін бөліп береді. Иса бізге мәңгілік өмір береді. Бір күндері Ол бізді аспанға әкетеді де, сол жақта Өз қуанышын толығынан береді. Ол жерде басқа күнә болмайды.

Біз Патшаның баласымыз, себебі, Құдай бізді Өзінің семьясына мүше етіп алды. Ол бізге ғажайып дарын сыйлады, біз онымен бір кездері мәңгі бірге боламыз.

Оқу үшін: Румдіктерге хат 8:14-17

- Сұрақтар:* 1. Біз соншалықты жақсы болғандығымыздан, Құдай бізді Өзінің балалары етіп ала ма?
2. Біз күнә жасағанда да Құдай бізді сүйе ме?
3. Біздің тыңдамаған кездерімізде Құдай бізді қалай айыптайды? Ондай жағдайда Ол бізді сүйе ме?
4. Егер Құдай біздің Әкеміз болса, онда Оның Ұлы – Иса Мәсіх кім болады?

Дұға: Қымбатты біздің Жаратушымыз! Бізді балаң етіп алғаныңа қуаныштымыз. Біз Саған өте ризамыз, себебі, Сен бізге соншалықты жақсы қарайсың. Сондай-ақ, Сенің Ұлың Иса Мәсіх үшін де ризамыз. Әмин.

18. ИСА ДҮНИЕГЕ КЕЛГЕНГЕ ДЕЙІН ҚАЙДА БОЛҒАН?

Мәсіхтің (Рождество) мейрамында біз Иса Мәсіхтің туғаны жайлы ән салып, әңгіме айтамыз. Періштелердің малшыларға бұл қуанышты хабарды жеткізгенін біз қызықтап, тыңдаймыз.

Бірақ, сен Иса Мәсіхтің „бұл дүниеге“ келгенге дейін де өмірде болғанын білесің бе? Иса әрдайым

аспанда Әкесінің қасында болған: өйткені Оның Өзі де Құдай ғой.

Құдай әуелде бүкіл дүниені жаратты. Сонан соң ол алғашқы адамдар, Адам-ата мен Хауа-ананы жаратты. Бірақ Адам-ата мен Хауа-ана Құдайға құлақ аспады. Тыңдамағанның соңы әрқашанда сор болады. Иса біздің барлық күнәмізді көтеру үшін, бізді жазаламасын, – деп жерге түсуді жөн көрді. Ақыр аяғы, Исаның жер бетінде туған күні болды. Иса бізді жақсы көргені соншалық, біз үшін нәресте болып туып, адамдардың ортасында өмір сүруге тәуекел қылғанын білесің бе?

Сондықтан Иса сені „бұл дүниеге“ келмей тұрып-ақ ұнатқанына сенуіңе болады. Ол сені қазір де сүйеді, сен өлген соң да сүйеді. Егер сен Исаға шын жүректен берілсең, онда аспанда да онымен мәңгі бірге бола аласың.

Оқу үшін: Жохан жазған Ізгі хабар 14:1-12.

- Сұрақтар:* 1. Сен Исаның қанша жыл бұдан бұрын туғанын білесің бе?
2. Иса туғанға дейін қайда болды?
3. Иса аспанды тастап, жерге түсуге неге тәуекел қылғанын білесің бе?
4. Сен қалай ойлайсың, Иса сені сүйе ме?
5. Сен Исаны сүйесің бе?

Дұға: Қымбатты Иса! Сен аспанды тастап жерге келгенің үшін біз Саған ризашылық білдіреміз. Бәріміз үшін Сенің өлгеніңе де рақ-

мет айтамыз. Сенің даңқыңды көтеріп өмір сүру үшін бізге жәрдемдес. Әумин.

19. СӘБИ ИСАНЫҢ БАСҚА БАЛАЛАРДАН ҚАНДАЙ АЙЫРМАШЫЛЫҒЫ БОЛДЫ?

Исаның дүниеге келуі өте ғажап, әрі құпия болғанын білесің бе? Исаның шешесі Мария еді. Жүсіп Марияның күйеуі болғанымен, Исаның әкесі емес еді. Басқа балалар адамнан туса, Исаның Әкесі- Құдай.

Исаның әкесі Құдайдың Өзі болуы неліктен маңызды? Егер Исаның әкесі Жүсіп болса, не болған болар еді? Егер Исаның әкесі Құдай болмағанда, Ол сені мен мен сияқты қарапайым адам болған болар еді. Онда Исаның жүрегі де басқа адамдардың жүрегіндей бұзылған болар еді. Егер Исаның жүрегі де біздің жүрегіміз сияқты болған болса, онда ол біздің күнәміз үшін өле алмаған болар еді. Онда ол Өз күнәсі үшін өлер еді. Бірақ Иса Өз күнәсі үшін өлген жоқ, себебі, Оның еш күнәсі жоқ еді.

Исаның тууы үлкен таңқаларлық жағдай болды. Исаның жерде әкесі болмағандықтан, біз Оны Мария қыздан туған дейміз. Одан басқа ешкім де дәл бұлай туған емес. Басқа балалардың бәрінің де туған әкесі жер бетінде болған. Иса жердегі әкені керек еткен жоқ, себебі, Оның Әкесі Құдайдың өзі.

Бір адам құмырсқаны бақылап соңынан жүреді.

Сөйтіп, жүріп, ол құмырсқаның үлкен илеуіне келді. Ол жерде мындаған құмырсқа бар еді. Оған: „Егер мен осы құмырсқалармен сөйлескім келсе не істер едім? Мен қанша айғайласам да олар мені түсінбейді. Егер мен оларға хат жазсам, олар оны оқи алмайды“, – деген ой келді. Сөйтіп, ол мынандай шешімге келді: „Егер осы құмырсқалар мені түсінсін десем, онда мен өзім де құмырсқа болуым керек“. Бұл адам сонан соң ойлады: „Құдай да дәл осыны істеді. Ол адамдарға аспаннан қарап отырмай, ішіміздегі біреу болайын деп шешті. Осындай тәсілмен Құдай бізге деген сүйіспеншілігін түсіндірді. Сондықтан да Иса кішкене Нәресте болып туып, үлкен Адам болды. Сонан соң, адамдарға Құдайдың сүйіспеншілігін айтып берді және оны дәлелдеді. Сондықтан бәріміз үшін қаза болды“.

Оқу үшін: Матай жазған Ізгі хабар 1:18-25.

- Сұрақтар:*
1. Исаның шешесі кім?
 2. Исаның Әкесі кім?
 3. Жүсіп кім болған?
 4. Исаның әкесі Жүсіп болса, онда біздермен не болар еді?

Дұға: Қымбатты біздің Аспандағы Әкеміз! Исаның Сенің Ұлың болғаны қандай керемет болды. Оның еш күнәсі болмағандығы үшін және біздің күнәміз үшін өлгеніне рақмет айтамыз. Бізді балаларым деп қабылдайтының үшін де рақмет айтамыз. Әумин.

20. ИСА ЖАСАҒАН ҒАЖАЙЫПТАР

Исаның жер бетінде жасаған кейбір ғажайыптарын мүмкін сен де білетін шығарсың? Мысалы, бірде Иса қайықпен үлкен көлдің арғы жағасына өтеді. Сол кезде аяқ астынан қатты жел тұрады. Оның шәкірттерінің үрейі ұшады, ал Иса қаперсіз ұйықтап жатты. Олар өздерінің ұстазын оятып: „Қалайша сен қайықтың суға батып бара жатқанын сезбейсің, бәріміз қырылатын болдық қой! – Сен неге бізге бұл қатерден құтылуға көмектеспейсің?–деді. Иса шәкірттерінің бұл сенімсіздік көрсеткеніне қатты ренжіді. Сөйте тұра, жел мен толқынның басылуын бұйырды. Сол сәтте жел де, толқын да тиылды.

Келесі жолы Иса бұдан да үлкен таңқаларлық іс істеді. Оның досы Лазарь қатты науқастан қайтыс болды. Туысқандары оны жерледі. Лазарьдің молада жатқанына төрт күн өтті. Иса Лазарьдің қарындастарын аяды – себебі, ол жалғыз ағалары еді. Иса Лазарьдің зиратына келіп, оны бар дауысымен айғайлап шақырды. Сол-ақ екен, Лазарь қабірден тіріліп шықты. Иса оны о дүниеден бұл дүниеге қайтарып әкелді!

Міне, тағы бір ғажап! Бірде Исаның қасына бес мыңдай адам жиылды. Күні бойы олар Исаның айтқан діни уағыздарын тыңдады. Бірақ, кешкісін бәрінің қарыны ашқанда, нан сатып алатын мүмкіндік болмады. Бір баланың, өзімен бірге әкелген, бес күлше наны мен екі балығы бар еді. Иса Құдайға сиынды да, соларды адамдарға таратып беруді өтінді. Бес мың адамға сол азық молынан жетіп, одан тіпті артық та қалды.

Бірде Иса өліп қалған бір кішкентай қызды да қайта тірілтті. Қыздың ата-анасының сондағы қуанғанын көрсең!

Иса бұдан басқа да көптеген ғажайып нәрселер жасады. Еш адам Оның жасағанын жасай алмас еді. Кереметті тек Құдай ғана жасайды. Еш дәрігер сырқатты бір сәтте айықтыра алмайды. Иса жасаған барлық ғажайып Оның Құдай Ұлы екендігін дәлелдейді.

Иса аспанға қайта барған соң, Өзінің шәкірттеріне Құдайдың атынан ғажайыптар жасауға қасиет берді. Сондықтан Петір деген елші бір сал ауру адамға-Иса үшін орныңнан тұр да, өздігіңнен жүріп кет, – деп бұйырғанда, әлгі кісі сауығып кетті.

Исаны белсенді уағыздаушы болған елші Петір түрмеге қамалды. Құдай түнде Өзінің бір періштесін жіберіп абақтыда кісендеулі отырған Петірді босатып жібереді. Бұл да бір ғажап іс болды.

Көптеген адамдар Исаның кереметтеріне сенгісі келмеді. Оның істегендерінің бәрі сиқыршылардың жәй ғана епті қимылдары, – деді. Бірақ Иса ешқандай сиқыршы емес – ол Құдай. Сондықтан ол тіпті өлген адамды тірілте алатын. Мүмкін сен: „Бүгінгі таңда да сондай ғажайыптар болып тұра ма?“, – деп сұрайтын шығарсың. Әрине! Оны Исаның Өзі де айтқан. Кейде дәрігер сырқатты емдей алмайды, ал егер ол адам Исаға сиынса онда сауығып кетеді. Иса дәрігер арқылы да көмектесуі мүмкін. Біз өз қолымыздан келмейтін нәрсені- Құдай жасап береді, – деп күтеміз.

Біз сұраған ғажайыпты Құдай үнемі жасап тұра ма? Кейде Ол біздің сұрағандарымызды орындамауды да жөн көреді. Ол бізге ең қажетті деген нәрсені ғана

беруді дұрыс санайды. Сондықтан біз Оған еш алаңдамай сенуімізге болады.

Оқу үшін: Марқа жазған Ізгі хабар 6:32-44

Сұрақтар: 1. Керемет дегеніміз не?

2. Иса Мәсіхтің жасаған бір кереметін айтып бер?

3. Сиқыршы дегеніміз кім? Ол шынымен таң қаларлық нәрсе жасай ала ма?

4. Өміріңде өзің Құдайдан жалбарынып сұраған соң, болған ғажап кереметтің бірін айтып бер?

Дұға: Қымбатты менің Жаратушым! Біз Саған, жер бетінде болғаныңда жасаған барлық керемет істерің үшін, рақмет айтамыз. Біз сондай-ақ, Саған оқыған дұға-намаздарымызды естіп-білгендігің үшін және керемет істер жасайтындығыңа рақмет айтамыз. Біз Өзіңе сиынғанда, Саған шын сенуге көмектес! Әумин.

21. ИСА МӘСІХТІҢ ӨЛУІ

Біз енді ең қорқынышты, бірақ, біздің тарихымыздағы ең маңызды оқиға туралы айтамыз.

Есінде ме, ең алғашқы адам Адам-ата мен Хауа-ана тийым салынған жемістен жегені? Содан бастап адамдардың жүрегіне күнә ұялап Құдайды тыңдамайтын болды. Содан бастап, күн көрістері қиындады, ауру мен ажалдан қорқа бастады. Жабайы аңдар олардың жауы болды. Мұның бәріне негізгі себепкер Адам-ата мен Хауа-ананың Құдай алдында күнәкар болуы еді. Құдайдың оларға, енді менің маңымнан аулақ болыңдар дегені, – олардың жағдайын өте ауырлатты.

Бірақ, есінде болсын, Құдай Адам-ата мен Хауа-ананы сені мен мені жақсы көргендей жақсы көрген. Алғашқы адамдардың жасаған күнәсін біз де жасадық. Бірақ, Құдай бізді жақсы көрді, сондықтан да біздің күнәміз үшін, Өзінің Ұлы- Иса Мәсіхті жазалауды жөн көрді.

Ешкім біреудің күнәсі үшін өлмейді, себебі, оның, өз күнәсі де жеткілікті. Әркім өз күнәсі үшін айып тартуы керек. Тек қана Құдайдың Ұлы Иса ғана күнәдан алыс еді, басқалардың күнәсі үшін тек сондай адам ғана өле алатын.

Исаны жек көрген адамдар оны айқыш ағашқа әкеліп шегеледі. Ол сонда өлді. Рум әскерлері Исаның аяқ-қолына үлкен шегені қаққанда, Ол ғаламат азап шекті. Әкесі Құдай алғаш рет, аз уақытқа Оны айқыш ағашта қалдырып кеткенде, Иса қандай күйде еді? Ол жалғыз қалды. Иса мен үшін, сен үшін өлімге өз

еркімен барды, Оны ешкім зорлап апарған жоқ. Ол біздер жасаған күнәні өтеу үшін барды.

Енді Құдайдың сені күнәннен кешіруге мүмкіншілігі бар. Иса Мәсіхке сенгендер Құдайдың рақымына бөленеді және мәңгілік өмір алады. Сен бұл үшін Иса Мәсіхке рақмет айттың ба?

Оқу үшін: Ишя 53:1-12.

Сұрақтар: 1. Адам-ата мен Хауа-ана Құдайды тыңдамағаннан кейін, олармен не болды? Егер бұл дүниеде еш күнә болмаса, онда адамдар өзді-өзі араздасар ма еді?

2. Біз сондай жақсы көретін басқа адамдардың күнәсі үшін айыпқа тартылып, солардың күнәсін көтере аламыз ба?

3. Неге бұл мүмкін емес?

Дұға: Қымбатты біздің Аспандағы Әкеміз! Қазір балалардың өздері де Құтқарушыны керек етеді, себебі, олар да тілазар боп барады. Иса, біз Саған ризамыз, Сен біз үшін өлдің. Өзінді шын жүректен сүю үшін көмектес. Өзіңе шын сенуге және Сені тыңдауға көмектес. Біз мұны Иса Мәсіхтің атынан сұраймыз. Әмин.

22. ИСАНЫҢ ҚАЙТА ТІРІЛУІ

Иса өлгеннен кейін шәкірттері Петір, Жақып, Жохан және басқалары қатты қайғырды. Олар Исаны Израилдің патшасы болады деп үміттенген еді. Ол сонша адамға жақсылық та, көптеген ғажайып кереметтер істеді. Сондықтан олар-Исаны айқыш ағашқа шегелеп жатқанда, еш қарсылық жасамағанына таң қалды. Олардың ойына: Иса- Құдайдың Ұлы емес шығар, – деген де күдік кірді. Мүмкін Ол, жай жақсы адам ғана шығар?

Үш күн бойы шәкірттер қалада сенделіп жүрді. Үш жыл бойы Исаға бауыр басып, үйреніп кеткендері соншалық енді онсыз қалай күн кешуді білмеді. Кейбір шәкірттер аптаның бірнеше күнінде Исаның қабіріна барды. Бұл күнді біз енді воскресение-Исаның қайта тірілген күні дейміз. Моланың басына келген шәкірттер аң-таң болды: қабір іші бос тұр. Таяуда ғана мұнда Иса жерленген, ал қазір ешкім де жоқ. Мүмкін Оны біреулер ұрлап кетті ме, әлде басқа жерге апарып жерледі ме? Шәкірттер осылайша дал боп тұрғанда, кенеттен екі періште шыға келіп, Исаның қайта тірілгенін, Оған Құдай жан бітіргенін, Ол таяуда келіп, олармен сөйлесетінін айтты. Әрине бұл шәкірттер үшін адам сенгісіз нәрсе еді. Иса көп ұзамай шынында да келді. Оның түрі сол бұрынғы қалпы. Тек денесі ғана өзгеріпті. Енді Оған қандай қалың қабырға да еш бөгет бола алмады. Ол енді кез келген үйге есігі жабық тұрса да кіре алады. Тіпті ол көзді ашып жұмғанша ғайып болып та кетеді.

Құдайдың Өз балаларына-өлген соң қайта тірілтем, – деген уәдесі бар. „Ол мүмкін нәрсе ме?“ – деп сұрарсың сен. Құдайдың қолынан бәрі келеді. Исаны тірілткен Ол, басқа шәкірттерін де тірілте алады. Иса Мәсіхке сенушілерге Ол мәңгілік өмір береді. Көптеген адамдар: „Исаның өлген соң қайта тірілгенін қайдан білесің“, – деп сұрайды. Біз оның растығын шәкірттердің ісінен көреміз. Олар Иса өлгенде қатты қайғырды, өмірден түңілді. Бірақ, Исаның қайта тірілгенін көргенде оларға күш пайда болып, рухтанып кетті. Жүрген жерлерінде Исаның қайта тірілгенін уағыздаған олардың біразы өлім жазасына кесілді. Егер Исаның қайта тірілгені рас болмаса, онда олар бүйтіп өз өмірлерін қимас еді.

Иса өлген соң, үш күннен кейін, Оның екі шәкірті Иерусалимнің қасындағы ауылға кетіп бара жатқан еді. Әрине, олар Исаның өлімін сөз қылды. Ол неге өлді? Иса мәңгі өлмейді және өз патшамыз болады, деп үміттеніп едік қой, – десті олар. Ол екеуі осылайша әңгімелесіп келе жатқанда, оларға бір жолаушы кездесті. Сөзге араласқан ол, бұл екеуінің неліктен көңілсіз келе жатқандығын сұрады. Әлгілер себебін айтты. Серіктері оларға қарсы сұрақ қойды: „Құдай Сөзінде Иса көп бейнет көріп, соңында өледі, – деп жазылғанын сендер осы күнге дейін неғып білмейсіңдер? Ол Өзінің өлетіні жайлы алдын ала айтты ғой“, – деді Ол. Сонан соң оларға Исаның Өлімі кездейсоқ емес екендігін түсіндірді. Құдай жер бетіндегі адамдардың күнәсін көтеріп, олар үшін өлуге Өзінің Ұлын әдейі жіберген. Егер Мәсіх айқыш ағашта өлмесе, онда ешкімнің де күнәсі кешілілмес еді, – деді Ол.

Осылайша әңгімелесіп келе жатып, олар ауылға да жетті. Шәрірттер күн батып кеткен соң, жаңағы бейтаныс адамды үйлеріне қонақ болуға шақырды. Әлгі кісі қонып қалды. Олар кешкі асқа отырғанда, шәкірттер бейтаныс адам өздерінің Ұстазы екенін таныды. Ол жол бойы Өзінің неге өлгенін түсіндірген болды. Шәкірттер аң-таң боп отырған кезде, Иса жоқ болып кетті.

Қайта тірілген Исаны көргенде, Олар қандай бақытқа кенелді десеңізші! Олардың өздері де енді мүлде өзгерді: олар содан бастап еш нәрседен қорықпады, ештеңеге қайғырмады. Өйткені олардың Ұстазы тірі екен. Иерусалимге қайта келген соң, олар барлық жағдайды шәкірттерге айтып берді.

Оқу үшін: Жохан жазған Ізгі хабар 20:1-18, Лұқа жазған Ізгі хабар 24:13-32.

Сұрақтар: 1. Шәкірттер бос қабірді көріп, неге сонша таң қалды?
2. Исаға не болды?
3. Иса қайта тірілгенде, Оның денесі сені мен менің денемнен қандай өзгешелігі болды?
4. Сен Иса мен екі шәкірті туралы әңгімені қайталап айта аласың ба?

Дұға: Құрметті біздің Аспандағы Әкеміз! Біз Саған Иса Мәсіхті қайта тірілткендігің үшін рақмет айтамыз. Сенің ұлы құдіретің мен махаббатыңды шын көңілден жиі-жиі

еске алуға көмектес. Біз мұны Сенен Иса Мәсіхтің атынан сұраймыз. Әмин.

23. ИСА ӨЗ ӘКЕСІНЕ ҚАЙТА ОРАЛДЫ

Саған туған әке-шешеннен бірнеше күнге басқа жерге баруға тура келді ме? Мүмкін сен туыстарыңа, не әжеңе барған шығарсың. Есінде ме, үйіңе қайтып оралғандағы қуанғаның?

Шамамен Иса 33 жыл осы жерде өмір сүрді. Иса Өз үйін, Әкесі мен періштелерді қатты сағынып, сол жақты қатты аңсағанын сен білесің бе? Міне, Оған аспанға қайтып баратын да күн туды.

Ол Өзінің шәкірттерін алып, тауға шықты. Ол Өз шәкірттерімен сөйлесіп тұрғанда, бір үлкен бұлт келді де, Оны басқалардан бөліп, көрсетпей тастады.

Иса аспанға қайта барған соң, Құдайдың тағынан орын алды. Әрине, бізге ол аспан көрінбейді. Кім Исаға сенсе және қызмет етсе, бір кезде олар Оның қасында бірге болады.

Иса аспанға қайта барғанда болған қуанышты біз елестете алмаймыз. Оны миллиондаған періштелер тамаша гимн айтып қарсы алды. Олар жер бетіндегі бүкіл адамға деген ұлы махаббаты үшін Исаға иіліп тағзым етті. Ол сені мен мені құтқару үшін жерде Өзінің даңқын қалдырып, Адам болып жүрді. Енді Ол

үйіне қайтты. Құдай Әкесінің Өзі Оның қайта оралғанына қуанып, сәлемдесіп қарсы алды.

Иса қазір де аспанда. Ол бізге ол жақтан орын дайындайды. Ол бізді күтуде және бәріміз Өзіне сенуімізді тілеуде. Өзіне сенген әрбір адамға Ол мәңгілік өмір сыйлайды.

Иса Құдайға біз үшін өтініш береді.

Бірақ, Иса Өзіне қызмет еткендерді аспанға, өзіне алып кету үшін жерге тағы бір рет келеді.

Оқу үшін: Елшілердің істері 1:9-14.

- Сұрақтар:*
1. Иса жер бетінде қанша жыл болды?
 2. Иса аспандағы Әкесіне барарда Өз шәкірттерін қалай тастап кеткенін айт?
 3. Иса қайтып барғанда періштелер не істеді?
 4. Қазір Иса қайда?
 5. Иса аспанда не істейді?

Дұға: Иса Мәсіх, Сен қазір аспандасың және бізді көріп, оқыған дұғамызды естисің. Біз Сенің бізді қатты сүйгеніңе және түбінде Өзіңмен бірге мәңгілік болатынымыз үшін рақмет айтамыз. Сенің еркіңмен өмір сүруге көмектес. Әмин.

24. ИСА ТАҒЫ БІР РЕТ КЕЛЕДІ

Иса тағы бір рет қайта келеді. Оның қашан келетінін біз білмейміз, бірақ келесі келгенде, Өзінің балаларын Өзімен бірге алып кететінін білеміз. Ол бір керемет күн болады! Ақырында біз Құдайымыз-Иса Мәсіхті көре аламыз. Біз әрқашан күтсін деп, Ол бізге қашан келетінін айтқан жоқ. Ол сондай-ақ, бізге үнемі жақсы өмір сүруге ынталанып жүруімізді тілейді. Егер Иса қашан келетінін нақ айтса, онда, біз күн сайын Оның тілегін орындауға жансала тырыспас едік. Барлығын ең соңғы күнге қалтырар едік. Егер біз тек Құдай келердің алдында ғана, Оған жағатын үлгілі өмір сүрейік деп шешсек, онда мүлде кеш қалар едік.

Сондықтан Иса Мәсіх бізге қашан келетінін айтқан жоқ.

Біз Оның қалай келетінін де аз білеміз. Оған қарамастан, Құдай Сөзінде Мәсіхтің қалай келетіні жеткілікті айтылған. Киелі кітаптың айтуынша, Иса келіп бізді Өзімен алып кетеді де, жаңа жер, жаңа аспан жаратады. Қазіргі жер және біздің көз алдымыздағының бәрі бір сәтте жоқ болады. Құдай бәрін жаңадан жасайды. Сонда еш урей, еш күнә болмайды. Құдай келгенде бәрі қалай өзгеретінін алдын ала көзге елестетіп те қажеті жоқ. Бізге қазіргі керегі – Құдай келгенде дайын тұру.

Сен Иса Мәсіхті көргің келе ме? Сен Оның алдында басыңды иіп тағзым ет, Ол сені құтқару үшін Өз өмірін қиды. Ол кез келген сәтте келіп, сені мәңгіге Өзіне алып кете алады.

Оқу үшін: Тессаланиктерге 1-Хат 4:13-18, 5:1-6.

Сұрақтар: 1. Иса қашан тағы бір рет келеді?
2. Иса Мәсіхтің кез келген сәтте келетінін білудің біз үшін маңызы неде?

Дұға: Құдай, Сен жерге тағы бір рет келетінің үшін біз Саған ризамыз. Сен туралы ойлап, келуіңе күнде дайын отыруға көмектес. Әмин.

25. ҚАСИЕТТІ РУХ

Құдай біреу болғанмен, үш ерекше Тұлғадан тұрады, – деп біз бұрын да айтқанбыз.

Осы үш Тұлғаның біреуі – Қасиетті Рух. Біз Оны: Құдай- Қасиетті рух, – деп атаймыз. Бұған қоса біз: Әке Құдай және Ұл Құдай, – туралы да айтамыз.

Қасиетті Рух әрқашан болған. Бүкіл әлемді жаратуға үш ерекше Тұлға бірдей қатысты.

Қаза боларынан сәл бұрын Иса Өз шәкірттеріне Өзінің аспандағы Әкесіне қайтып баратынын айтты. Шәкірттеріне Қасиетті Рух жіберуге уәде берді. Иса аспанға кеткеннен кейін, он күн өткенде, Қасиетті Рух шәкірттерінің жүрегіне ұялады. Бірде, шәкірттер дұға оқып жатқанда, қатты дауыл болғандай шу көтерілді.

Олар бір-біріне таңырқай қарағанда төбелерінде от алаулап тұрғанын көрді. Бұл Иса Мәсіх жіберген Қасиетті Рух еді. Алаулаған от тез жоғалып кеткенімен, шәкірттердің жүрегінде Қасиетті Рух қалды. Шәкірттердің кез-келгені басқа тілде де сөйлей алатын болды. Қайсыбірі сырқаттанған адамды жазып, тіпті өлгенді тірілтіп жіберетін халге жетті. Қасиетті Рух діндәрларды бақытты етіп, оларға Мәсіхке сенгені үшін қуғындап, ұрып-соғып жатса да, өлең айтып жүретіндей қажырлы қайрат, жігер-күш берді.

Кімде-кім Иса Мәсіхті қабылдаса, онда оның жүрегіне Қасиетті Рух ұялап, Мәсіх үшін өмір сүруге көмектеседі. Егер сен шынымен Мәсіх жолын қуушы болсаң, Ол сенің жүрегінде де болады. Барлық жақсы ой мен тілектер тек Сол арқылы келеді. Қасиетті Рух саған Құдайдан шапағат келуіне және сенің Оған сиынуыңа көмектеседі. Сондай-ақ, Ол сенің қуанышты, әрі адал болуыңа жәрдемдеседі. Сондықтан сен махабатты, қуанышты және бақытты өз жүрегінде сезе аласың. Сенің жүрегің Оның мекені болады.

Қасиетті Рух Мәсіх жолын қуушылардың жүрегінде ғана тұрмай, бір сәтте барлық әлемде болып үлгереді. Кейбір нәрсе туралы Құдаймен қалай сөйлесуді сен үнемі біле бермейсің, сонда Қасиетті Рух келіп, бәрін толық реттеуге, айта алмай тұрған дұғаңды Құдайға жеткізуге көмектеседі. Оның Өзі Құдай болғандықтан, Оның біз арқылы оқыған дұғасын Құдай міндетті түрде естіп, біздің дұғамызға жауап береді. Құдайдың Өзі сенің дұғаңның жетуіне көмектесуі ғажап емес пе?

Қасиетті Рух тек саған ғана көмектесіп қоймай-

ды, Ол сондай-ақ, адамдарға, тіпті әлі Мәсіх жолын қуушы болмағандарға, да көмектеседі, олардың да Құдайға деген сүйіспеншілігін оятады. Ол сондай-ақ, Иса біз үшін не істегенін бізге түсіндіреді.

Қасиетті Рух саған Құдай туралы Киелі кітапты оқып отырғанда, оқығаныңды түсінуге де көмектеседі. Егер сен түсінбесең, Құдайға сиынып сұра, сонда түсінбеген сырды ашып береді.

Оқу үшін: Жохан жазған Ізгі хабар 16:7-15.

- Сұрақтар:*
1. Қасиетті Рух деген Кім?
 2. Ол қай жерде болады?
 3. Оның бірнеше істерін айт?
 4. Қасиетті Рух бізге көмектескенде тосқауыл бола аламыз ба? Қалай?

Дұға: Қымбатты Тәңірім, бізге Қасиетті Рухты жіберіп, келелі мәселені шешуге көмектескенің үшін рақмет айтамыз. Қасиетті Рухтың біздің жүрегімізде тұрақтануына да көмектес. Әмин.

26. МӘСІХ ЖОЛЫН ҚУУШЫЛАР ТЕРІС ҚЫЛЫҚ ЖАСАУҒА ҚАҚЫСЫ БАР МА?

Мәңгілік өмірді мұра ететіндей ешқашан соншалықты жақсы бола алмайтынымызды бұрыннан білеміз. Тек Мәсіхтің өліп, қайта тірілуі арқылы ғана бар күнәмізден құтыла аламыз. Бұл біз не істесек те, бәрі жарасады деген сөз бе? Ал ойлайықшы! Біз Мәсіхтен құтқарушымыз бол деп сұрағаннан кейін ғана Мәсіх жолын қуушы болдық; қалайша тағы да, осыдан соң күнәға бата аламыз.

Құдай біздің жүрегімізде орын тапқаннан кейін, Ол біздің жақсы болуымызды тілейді. Амалсыздан мынандай сұрақ туады: мұның бәріне қарамастан, біз неліктен жиі-жиі күнәға батамыз?

Мұны шайтан істейді. Ол өте мықты: тіпті ең күшті деген періштеден де ол басым. Ол бізді қалай алдауды біледі және теріс іске түсіруге себепші болады. Біз аспанға барғанда, Құдай бізге жаңа жүрек береді, ол жүректе ешқашан жаман ойлар болмайды.

Біз әлі жердеміз, сондықтан күнәға да бата береміз. Құдай қашан жүрегімізге ұяласа, Ол содан бастап күнәдан аулақ болуға көмектеседі. Исадан шайтанды қуып, біздің өмірімізді өз қолына алуды үнемі сұрауымыз керек.

Біздің жаңа жүрек алғанымыз қандай керемет десеңші. Ешкім бізді жамандыққа бастамайды және ашуымызды қоздырмайды.

Иса Мәсіх шайтаннан әлдеқайда басым екенін ешқашан ұмытпа, сондықтан шайтан да одан қатты

қорқады. Біз Құдайды жәрдемге шақырғанда шайтан қашып кетеді.

Оқу үшін: Румдіктерге Хат: 6:1-10.

- Сұрақтар:*
1. Шайтан қандай мұратқа жеткісі келеді?
 2. Сен шайтаннан күштісің бе?
 3. Шайтаннан кім күшті?
 4. Шайтан бізді күнәға батырмас үшін, қалай бөгет жасаймыз?

Дұға: Қымбатты Иса Мәсіх, біз Саған бәрінен, тіпті шайтаннан да күшті болғаның үшін рақмет айтамыз. Жүрегімізді сен үшін таза сақтауға көмектес. Әумин.

27. СЕНІҢ ЖҮРЕГІҢНІҢ ТАҒЫНДА КІМ ОТЫР?

Тақ дегеннің не екенін сен білесің бе? Ол сондай керемет орындық, патша сол орындықта салтанатты түрде отырып, мемлекетін басқарады.

Сен білесің бе, сенің жүрегіңде де тақ бар және онда да біреу отырған болар? Мен білсем, онда отырған өзің емес. Әрине, мен қазір нағыз тақты айтып отырғаным жоқ. Біздің жүрегімізде де нағыз Патша

бар, ол Құдайдың балаларына қалай өмір сүру керектігін айтып отырады. Ол Патша деп отырғанмыз-Мәсіх.

Бірақ осы таққа рахаттана отырып алып, бізге әкімдік еткісі келетін тағы екеу бар. Оның бірі шайтан болып саналса, екіншісі өзіндегі „мен“ деген өркөкіректік. Иса белгілі бір нәрсені өтінсе, сен оны мүлдем керісінше істесең, – бұл жүрегіңдегі тақта Мәсіх емес, басқа біреудің отырғаны. Бұл сенің Құдайды Өз тағынан Өзін қуып жібергенің. Және өзіңе-өзің патша болғың келгені. Егер сен бұлай істесең, шайтан қуанып қалады. Сенің жүрегіңдегі тақта Құдай отырмаса, шайтан сені түрлі күнәға итермелейді, сен ашуланып, қайырымсызданып, қызғаншақ болып, тағы басқа да ойыңа келгенді істейсің. Егер сені басқару үшін тақта Құдай отырмаса, осының бәрін шайтан үшін істеутүкке тұрмайтын іс болып шығады. Егер өз жүрегіңнің тағында өзің отырып, өміріңнің патшасы болсаң, онда шайтан сенің жүрегіңнің төріне оп-оңай кіріп алып, барлық ісінді керісінше жасайды. Ол сенен күшті екенін біледі, сондықтан саған күле қарайды; сен өзінді басқармайсың, сені ол басқарады, сонан соң ол не істегісі келсе бәрін істей береді.

Егер сенің тағыңда Құдай отырса, онда шайтан жаман бірдеңе істеуге батылы бармайды. Сен өзін тағыңа отырып патша болам дегенше, ол тығылып жүреді.

Біздің Құдай өте шыдамды, мейірімді және ұлы. Ол сенің тағыңа сен сұраған жағдайда ғана отырады. Сен Мәсіх жолын қуушы болғаннан кейін, оған тағыңнан орын беруге тиістісің. Құдайдан осыны сұрасаң

ғана, Ол көмектеседі. Қасиетті Рух бұл жайлы, үнемі сенің есіңе салып тұрады.

Сенің өміріңнің патшасы кім? Сенің жүрегіңнің тағында кім отыр? Жүрегіңнің тағында Құдай отыр ма, әлде оған өзің отырып, өміріңді шайтанға билетесің бе?

Оқу үшін: Румдіктерге Хат 6:14-23.

Сұрақтар: 1. Сенің жүрегіңнің тағында кімнің отырғысы келеді?
2. Біз өз тағымызда өзіміз отырсақ, шайтан не істейді?
3. Егер тақта Құдай отырса, шайтан не істейді?

Дұға: Құдіреті күшті Құдай, біздің аспандағы Әкеміз! Шайтан бізді күнәға батырмас үшін, Иса Мәсіхті біздің жүрегіміздің тағына отырғызуға көмектесуіңді сұраймыз. Иса шайтаннан күшті болғаны үшін, біз Саған рақмет айтамыз. Әумин.

28. СЕНИҢ ЖҮРЕГІҢНІҢ ТАҒЫНДА ПАТША ӘРҚАШАН БОЛУ КЕРЕК

Есінде ме, сенің жүрегіңнің тағы туралы біздің айтқанымыз? Ол тақта салтанатты түрде отырғысы келетін тағы да үш патша барын да айтқанбыз. Оның бірі – нағыз Патша – Иса Мәсіх, ал қалған екеуінің бірі шайтан және өзіңсің. Өз тағыңа өзің ие болған кезде шайтан сенің жүрегіңе ұялайды да, не істесең де, бәрі теріс болып шығады. Егерде тағыңда Иса Мәсіх отырса, онда шайтан Оған көрінбей, тығылуына тура келеді. Ондай жағдайда сен қайырымды, әрі көңілді боласың. Иса онда сенің істеген ісіңнің бәріне риза, сонымен бірге, сенің ата-анаң да риза. Жаратушы сенің жүрегіңде отырғанда істеген ісіңнің бәрі де дұрыс болады, ал өзіңше, өз ойыңа келгенді істей бастадың болды, барлығы басқаша болып шыға келеді. Құдай біз үшін бәрін жасағаннан кейін, Оған өз өмірімізді өзіміз басқарайық дегеніміз жөнсіз емес пе? Әрине, қажеті жоқ, алайда біз оған қарамай істейміз. Жүрегіміздің тағында тек Иса отырып, патшалық ету үшін не істеуіміз керек? Құдайды жете білуге тырыссаң, онда сен Оны жан дүниенмен сүйесің және жүрегіңде тек Сол ғана ұялап, Оның басқаруын тілейсің.

Біз неғұрлым Құдайды жетік білсек, соғұрлым Оны жақсы көреміз, Оған сенеміз және өз тағдырымызды Соның қолына береміз. Неғұрлым Құдайды жетік білсек, соғұрлым Оған деген сеніміміз күшейеді және де біздің жүрегіміздің тағында тек Ол отырсын деген тілегіміз күшейеді.

Көңілімізге екі түрлі ой жиі келеді. Бірі: „Бұлай істеме“, – десе, ал екіншісі „істе, бұның ешқандай сөкеттігі жоқ“, – деп тұрады. Мұның қайсысы Қасиетті Рух, қайсысы шайтан екенін қалай ажыратамыз? Жас нәресте өз шешесінің даусын басқа дауыстан өте ерте ажыратады, ал өскен сайын оны көптегер дауыстардың ішінен айнытпай таниды. Біз де солай, Қасиетті Рухтың даусына үйреніп, Оны шайтанның даусынан ажырата аламыз.

Бұған қалай үйренуге болатынын білесің бе? Адамдарды жақсы тану үшін – олармен сөйлесу келек. Ал, Құдайды қалай танимыз? Біз Оны көрмейміз, сондықтан да Онымен қалай сөйлесеміз? Біз Онымен дұға арқылы сөйлесеміз, Ол біздің айтқанымызды үнемі естиді, тіпті кейде тым ақырын айтсақ та, бәрін естиді.

Құдайды жақын білудің тағы бір тәсілі: Оның бізге айтқысы келіп тұрғанын ынтамен тыңдау. Құдай бізбен Киелі кітапты оқығанда сөйлеседі. Киелі кітап-Құдай Сөзі. Біз Оның не айтып отырғанын үнемі түсіне де алмаймыз және оның бәрін басынан бірдей түсіну қажет те емес. Егер біз Киелі кітапты оқып, мағынасын түсіну үшін көбірек ойлансақ, онда Қасиетті Рух, Құдайды жақын білуге көмектеседі.

Оқу үшін: Румдіктерге Хат 12:1-3.

- Сұрақтар:* 1. Сенің жүрегіңде бір мезгілде қанша патша билік ете алады?
2. Құдайды жақынырақ білудің бізге қажеті не?

3. Құдайды қалай жақын біле аламыз?

Дұға: Қымбатты Құдай, Сені жақынырақ білгіміз келеді, Саған барып, дұға арқылы сенімен сөйлесе алатынымызға қуаныштымыз. Біз Сені бұдан да артық көріп, Саған сену үшін, Сені бұдан да жақынырақ білуге көмектес. Әмин.

29. ЖЕМІС БЕРУ

Бір бала әкесімен қыдырып жүріп, ағаштың астында жатқан қураған бұтақты көрді.

– Әке, мына құрғақ ағашты қара! – деп айғай салды. – Мен оны үйге апарып отырғызамын. Мүмкін жапырақ шығарар, алма беруі де ықтимал.

– Жоқ, – деді әкесі, – бұл өліп қалған бұтақ. Бұл ешқашан жапырақ жаймайды, алма да бермейді.

– Ол қайтадан жеміс беру үшін ештеңе жасай алмаймыз ба? – деп сұрады бала.

– Жоқ, – деді әкесі, – ол өліп қалған. Жалғыз ғана амал бар, егер оған Құдай жаңа өмір берсе, ол қайта көгереді.

Біз де осы бұтақ сияқты өлікпіз, ал Иса – өмір ағашы. Біздің қолымыздан түк келмейді. Сондықтан Құдай бізді қураған бұтақ сияқты алды да, ағашқа

апарып будандастырды. Енді біз қуаныш, махаббат, шыдам секілді жеміс береміз.

Біз Мәсікке деген махаббатымыз арқылы мейірімді істер істейміз. Біз кеуіп қалған бұтақ едік, Құдай бізге жаңа өмір сыйлады.

Оқу үшін: Жохан жазған Ізгі хабар 15:1-8.

Сұрақтар: 1. Қурап қалған бұтақ қайта жеміс бере ала ма?

2. Киелі кітаптың айтуынша, күнәкарлар өз күнәларымен өлген. Не үшін олар қурап қалған бұтаққа ұқсайды?

3. Адамдарды құтқару үшін Құдай не істеді?

Дұға: Аспандағы біздің Әкеміз! Күнәмізден ажыратушы – Құтқарушының керек екенін біз білеміз, Сен құтқару үшін Иса Мәсіхті жіберіп, жаңа өмір сыйлағаның үшін рақмет айтамыз. Жақсы жеміс беру үшін көмектес. Әмин.

30. АДАМНЫҢ ҚҰДАЙДЫ ЖАҚСЫ КӨРЕТІНІН ҚАЛАЙ БІЛУГЕ БОЛАДЫ?

Адамдар Мәсіхті шынымен жақсы көре ме, – деп ойланған боларсың? Мұны сұрамай-ақ білуге болады. Исаның бізге берген өнегесі бар, біз соған қарап-ақ, Оны қаншалықты ұнататынымызды білеміз. Адамның істеген ісінен-ақ оның кім екенін білуге болады, – дейді Иса. Құдайды жақсы көретін адамдар Оны риза қылу үшін қолынан келетіннің бәрін жасаса, сонда олар Мәсіхті шын жақсы көргені, – деп айтуға болады. Кей адамдар Мәсіхті сүйемін дегенімен, олар Құдай күткен істі істемейді. Демек, ондай адамдар Оны сүймейді.

Біздің Құдайға деген сүйіспеншілігіміз неден көрінеді? Біріншіден, біз адамдарды жақсы көріп, оларға қайырымды болуымыз керек. Біз бұған ата-анамызды үнемі сыйлап өту арқылы жаттығамыз. Кімге қайырым жасау керек екенін сен өзің-ақ таба аласың. Егер сен қайырымсыз болсаң, онда сен өзіңді Иса Мәсіхтен де артық көргенің. Егерде сен Исаны шын жақсы көрсең, онда сен қай жағдайда болмасын, Оның айтқанын орындауға тырысасың.

Әрине, бұл оңай емес. Бұған жаттығу керек. Пианинода ойнау үшін, немесе суда жүзіп үйрену үшін қанша жаттығу жасау керек екенін білесің бе? Тіл алғыш болу үшін де соншалықты жаттығу керек. Бір-бірімізге қайырымды болуға да үйренуіміз керек. Егер саған біреу айқайлап сөйлесе, ең оңай жолы оған да зекіріп жауап беру. Біз ондай айғайға айғаймен жауап

қайтарғаннан гөрі, кішіпейілділікпен жеңуге дағдылануымыз керек. Киелі кітапта Мәсіх жолын қуушылардың ерекше қасиеті – өзге адамға деген махаббаты, – делінген. Сондықтан олардың мінезіне қарай, Құдайды адам қаншалықты сүйетінін білуге болады.

Егер біз өзіміз қайырымсыз болсақ, онда басқаның Иса Мәсіхке деген махаббаты қалай оянбақ?

Оқу үшін: Жоханның бірінші Хаты 2:3-14.

Сұрақтар: 1. Кейбір адамның Иса Мәсіхті сүйетінін қалай білуге болады?

2. Басқа адамға қалай қайырымды болу керек?

3. Пианинода ойнауға немесе суда жүзуге құмар болсаң, жаттығу қажет пе?

4. Біреуге мейірімді болу үшін дайындық керек пе?

5. Егер саған біреу мейірімсіз болса, сен не істеуің керек?

Дұға: Қымбатты Тәңірім, Сен бізге мейірімділігіңді көрсетіп, бізді сүюге және құтқаруға дайынсың. Енді Сенен, бізге басқаларға мейірімді болуға көмектесуіңді сұрағымыз келеді. Басқа адамдар да Сенің балаларың болуы үшін, Сенің махаббатыңды оларға біз көрсетейік. Әмин.

31. ҚҰДАЙ БАЛАСЫ КҮНӘ ЖАСАСА НЕ БОЛАДЫ?

Егер Құдайды жақсы көргеніңе қарамай Оны ренжітіп алсаң не істеу керек? Иса біздің Тәңіріміз болғаннан бастап, бізде ешқандай қиыншылық болмайды деп ойлауға болмайды. Шайтан бізді бәрібір теріс жолға түсіреді. Кейде біз сәл жаңылсақ болды, шайтан өзінің мақсатына жетеді.

Енді бізге не істеу керек? Киелі кітап бізге мынандай жауап береді: Исаның алдында біз өз күнәмізді мойындауымыз керек, сонда Ол бізді кешіреді және Құдаймен қатынасымыз қайтадан жақсарайды. Біз болашақта қайтадан күнә жасамас үшін, Иса кейде бізді жазалауға мәжбүр болады. Ондай кездері Ол бізге жаппа жүрген бұрынғы жақсылықтарынан бас тартады.

Бірақ, біз әрқашан Исаға келіп, жасаған күнәмізді мойындап, оның кешіргені үшін, ризашылық білдірсек, онда Оның бізге деген мейірімін қайтадан сеземіз. Бұл сенің әлде бір қылығың үшін, ата-анаңның жазалағанына ұқсайды. Ондай кездерде сен де, ата-анаң да қамығып қаласыңдар. Бірақ, бәрі орнына қайта келген соң, жүректерің қуанышқа қайта толады.

Бірде-бір адам күнәні кешіре алмайды. Бұл тек Құдайдың қолынан келетін нәрсе. Құдайдың айтуынша, біз оған бара аламыз және баруға тиістіміз. Өз күнәміз үшін Оған басқа біреуді жібере алмаймыз, Ол Өзінің алдына өзіміз барғанды тілейді.

Оқу үшін: Жоханның бірінші Хаты 1:8 – 2:3.

- Сұрақтар:*
1. Егер Құдайдың баласы күнә жасаса ол не істеу керек?
 2. Кейде Құдай бізді қалай жазалайды?
 3. Ол бізді неге жазалайды?

Дұға: Біздің Аспандағы Әкеміз, біздің күнәміз кешірілетіндіктен Саған сонша ризамыз. Қандай да болмасын күнә жасасақ өзін кешіресің, бірақ Өзіңнен кешірім сұрауды әрқашан ұмытқызба? Сенің бізге деген осындай махаббатың үшін алғыс айтамыз. Әмин.

32. БІЗ КЕЙДЕ НЕГЕ ЖАЗАЛАНУЫМЫЗ КЕРЕК?

Сен қалай ойлайсың, егер сенің ата-анаң сені жазаласа, онда олар қатыгез болғаны ма? Әрине, жоқ! Керісінше, олар Құдайды тыңдайды, Оның кінәлілерді жазалау керек деген сөзін мүлтіксіз орындайды. Киелі кітапта: жазалау бізге ұнамауы мүмкін, бірақ ол тәрбие үшін керек, – делінген. Балалар ата-анасын тыңдағаны жөн, егер олар тіл алмаса, онда әке-шешесі жазалауы керек.

Жазалау қатты көмектеседі. Егер сенің ойыңда, тағы бір жаман іс болатын болса, онда сенің бұрынғы

тартқан айыбың есіңе түседі де, сені тоқтатады. Айып тартқанымызға қарай, біздің Құдайды тыңдамай қанша рет ренжіткеніміз де есімізге түседі.

Тілазар баланы жазаламасақ не болады? Мұндай балалар өз ата-анасының айтқанын көңілі ауғанда ғана істейді; олар мұғалімдерін де тыңдамайтын болады, келе-келе заңға мүлде бағынбай кетеді. Ешқашан жаза көрмеген балалар қауіпті қылмыскер болып шығуы мүмкін, себебі олар өз бетімен кетіп, басқа адамдар туралы ештеңе ойламайды.

Міне, көрдің бе, сенің әке-шешең сені жазалағанда саған еш жаманшылық ойламайды. Олар саған басқа адамдардың игілігі мен құқы туралы, және Құдай сенен не күтетінін ойласын деп көмектеседі. Құдай сенің тек өз айтқаныңның болуын тілемейді. Жазалану саған келешектегі өмірінде кездесетін көптеген ауыртпашылықтардан құтқарылуыңа көмектеседі.

Бірақ, бәрінен бұрын ата-ананы, ұстазды тағы басқалардың айтқанын тыңдап үйрену керек, егерде біз олардың сөзіне әлден құлақ аспасақ, онда кейін Мәсіхті де сыйламайтын болып шығамыз. Егер ата-аналарымыз бізді бірдеңелер үшін айыптаса, онда тек Исаны бұдан да жақсы көруге, және оның әмірін орындауға шақырғаны. Ата-аналарымыздың айтқанын орындау арқылы, біз Құдайды тыңдауға да үйренеміз.

Сондықтан, өз баласын жазаламайтын ата-ана оларға келешекте зиян жасайды. Келесі жолы, әке-шешеңнен алған айыбыңа өкінбе, оның орнына айтқандарын болашақта тез орындауды ойластыр.

Кімде-кімнің бау-бақшасы болса, үнемі арам шөп-

термен күресу керек екенін біледі, себебі, еккен өнімді қажетсіз шөп басып кетеді.

Біздің жүрегіміз де бау-бақша сияқты. Сондықтан ата-аналарымыз сол арамшөптерді жұлғаны үшін біз алғысымызды айтуымыз керек.

Оқу үшін: Ефестіктерге Хат 6:1-9.

Сұрақтар: 1. Неліктен жаза біздің пайдамызға жарайды?
2. Балалар жазаланбаса не болады?
3. Сен қалай ойлайсың, егер сен ата-анаңды тыңдауды үйренсең, Құдайды да тыңдауға шаман келе ме?

Дұға: Қүдіреті күшті Құдай, біздің аспандағы Әкеміз! Біз Сенің Әкеміз екенінді білеміз, сондықтан да, егер теріс жүрсек, кейде бізді жазалағаның дұрыс. Жасаған қатемізді қайталамауға көмектес. Біз мұны Исаның атынан сұраймыз. Әмин.

33. ҚҰДАЙДАН ХАТ

Сен, әкем Африкада жүр деп ойлашы: сонда ол сенімен сөйлесе алар ма еді? Жоқ. Себебі, ол тым қашықта: сен оны көре де алмайсың, тек телефон арқылы болмаса дауысын ести де алмайсың. Бірақ, оған қарамай, мысалы, оның сенен не тілейтінін білуге мүмкіндік бар. Ол оны хат арқылы жаза алады.

Құдай сенімен сөйлескісі келетінін елестетіп көрші. Егер ол үшін Өзі келсе, онда сен Оның құдіретіне шыдай алмас едің! Бірақ, ол сенімен басқаша сөйлесе алады: Ол саған ұзақ хат жазады да, сен оны оқи отырып, Оның не айтқысы келгенін білесің. Бұл хат Киелі кітап болып саналады. Ол Құдай туралы, Оның ісі мен сенен не күтетіні жайлы көп әңгімелейді. Сен ол хатты оқыдың ба? Құдай оны жазғанда, Оған қарындаштың да, қаламның да және басатын машинканың да керегі болған жоқ. Ол Өзін шынымен жақсы көретін адамдарды іріктеп алды да, солар арқылы, әр түрлі хаттар жаздырды, сол хаттардан Киелі кітап құралды. Сол адамдарға көмекші ретінде, Құдай кейде оларға түс қарсетіп, сол арқылы болашақты елестетті. Саның бәрін олар жазып отырды. Ол жазылғандардың жойылып кетпеуіне де Құдай жағдай жасады. Киелі кітап бізге осылай жетті. Құдай Сөзін хатқа түсірген адамдар кейде Құдайды қалай жақсы көргенін, Ол туралы не ойлайтындарын да жазды. Солардың бірі Дәуіт патша еді. Ол жазған көптеген діни өлеңдер Киелі кітапта бар.

Ал, кейбіреулері өзінің, немесе достарының бастан

кешіргендерін жазды. Олар мұны жазған кезде, оны жаздырушы Құдай екенін білмеген болулары керек. Киелі кітап жазылғалы қанша уақыт өткенін білесіңдер ме? 1500 жылдан астам. Бізге осындай хат қалдырған Тәңір неткен мейірімді! Хат арқылы біз енді аспан, Иса және Оның бізге деген сүйіспеншілігі жөнінде көп нәрсені біле аламыз. Егер сен бір досыңа хат жазып, ол оны оқымай қойса, оған не дер едің? Менің ойымша, сен қатты ренжіп қаласың. Саған арналған бұл хатты сен де оқымай қойсаң, әрине Құдай да ренжиді. Сондықтан Киелі кітапты оқу аса қажет. Мүмкін оның көп жері түсініксіз шығар, бірақ зейін қойсаң, біразын ұғасың, ал есейе келе, түсінетін жерің көбейе береді.

Егер сен денсаулығың мықты, әрі күшті болсын десең, онда тамақтанып, ішіп, жеуің керек. Сол сияқты Сен Тәңірді біліп өскің келсе, онда Киелі кітапты оқуың керек.

Оқу үшін: Тимофейге арналған екінші Хат 3:14-17, 4:1-2.

Сұрақтар: 1. Досыңмен сөйлеспей, оған бірденені қалай айтуға болады?
2. Құдай Өз Сөзін бізге жеткізу үшін қандай жол таңдап алды?
3. Құдайдың саған арнап жазған хатын сен оқисың ба?

Дұға: Біздің Аспандағы Әкеміз, біз Саған хатың үшін, Киелі кітап үшін рақмет айтамыз.

Онда айтылғандарды орындауға бізге көмектес. Ол біздің жолымызға жарық болсын. Біз мұны Иса Мәсіхтің атынан сұраймыз. Әмин.

34. КИЕЛІ КІТАПТЫҢ ДҰРЫС ЕКЕНІН СЕН ҚАЙДАН БІЛЕСІҢ?

Киелі кітап Құдай туралы айтатындықтан, әлемдегі ең маңызды кітап болып саналады. Бұл кітап басқа кітаптардың бірде-бірінде айтылмағанды, мысалы: Құдай қалай дүниені және ең бірінші адамды жаратқанын айтады. Ешкім оны көрген жоқ және оған мүмкіндігі де болған жоқ. Егер Құдай осының бәрін Киелі кітапта айтпағанда, біз ештеңе білмес едік.

Кейбір адамдар, біз әлемді кім жаратқаның өз көзімізбен көрмегеннен кейін, оны Құдай жаратты дегенге қалай сенеміз, – дейді. Олар Киелі кітапқа да сенбейді. Адамдардың Киелі кітапты дұрыс түсінуіне қалай көмектесуге болады?

Киелі кітапта айтылған көп оқиғалар, ол оқиға әлі болмай тұрған кезде жазылған. Киелі кітапта көптеген оқиғалардың болғанын және болатындары алдын ала жазылған. Онда Иудея халқының Палестинадан қуылатыны және Құдай оларды қайтадан қайтаратыны айтылған. Бұның бәрі біздің заманымызда орын-

далып жатыр. Соларды өз көзімізбен көргендіктен, Киелі кітаптың дұрыстығына сенеміз. Киелі кітапта бұдан көп ғасырлар бұрын өмір сүрген патшалардың есімдері аталады. Киелі кітапқа сенбейтін адамдар мұндай патшалар болған емес, мұның бәрі ойдан шығарылған дейді. Көптеген ғалымдар археологиялық қазбалар арқылы Киелі кітапта жазылғандай сол уақытта, сол елде аталған патшалардың өмір сүргенін дәлелдеді.

Киелі кітаптың шындығына ең сенімді тағы бір мысал бар: Киелі кітапта біздің күнәміздің қалай кешірілетіні мен өміріміздің қалай өзгеретіні де жазылған. Әрдайым, кімде-кім Құдайға сиынса, онда ол өз өмірінің қалай өзгере бастағанын байқар еді. Бұл Киелі кітаптың дұрыстығын дәлелдейтін сенімді айғақ.

Сондықтан біздің өмірімізді Исаның басқаруы ең маңызды мәселе, әйтпесе, біздің достарымыз Киелі кітапта жазылған шындыққа бәлкім сенбес еді.

Оқу үшін: Петірдің екінші Хаты 1:16-21.

Сұрақтар: 1. Әлем жаралғанда кім болған?

2. Осының бәрінің қалай болғанын айта алатын бұл Жалғыз, кім?

3. Бұл жөнінде Құдай бізге қай жерде айтады?

4. Киелі кітапта жазылған, алдын ала болатын нәрсенің біреуін айтшы?

Дұға: Біздің аспандағы Әкеміз, біз Сенің мәңгі жасағаның үшін рақмет айтамыз? Киелі кі-

тапта жазылғанның бәрінің шындық екеніне де ризамыз. Бізге оны дұрыс оқу мен түсінуге көмектес. Әумин.

35. ЕГЕР БІЗ КИЕЛІ КІТАПТЫ ОҚЫМАСАҚ НЕ БОЛАДЫ?

Киелі кітапты оқу және онда жазылған нәрселерді орындау қажет пе? Әрине, қажет! Кейбір адамдар Киелі кітапты оқу мен онда жазылғандарды орындау, міндетті емес деп ойлайды. Олар өздеріне керек нәрсенің бәрін білеміз, –деп есептейді. Олар Құдайды түсіну оп-оңай нәрсе емес екенін білмейді. Киелі кітапты оқымаған адам Құдайдың күнәні жек көретінін қайдан түсінсін? Иса олардың күнәсін Өз мойнына алып, өлгенін, Киелі кітапты оқымаған адам қайдан білсін?

Әрине, біз гүлдерге, ағаштарға, табиғатқа қарап, Құдай жөнінде кей нәрселерді білуімізге болады. Солардың бәрі Құдайдың ұлылығын көрсетеді. Күн, ай және жұлдыздар Құдайдың ұлылығы мен құдіреттілігін көрсетеді. Оның бізді жақсы көретіндігін, біз тек Киелі кітап арқылы ғана білеміз.

Біз Киелі кітапты түгел оқып, онда айтылғанның бәрін орындауға тиістіміз. Киелі кітапты оқыған кезде, оның кейбір тараулары бұдан көп жылдар бұрын өмір сүрген адамдарға арналып жазылғанын көреміз.

Мысалы, израилдіктерге құрбанға мал шалу үшін, құрбан шалатын жерді қалай салу керектігі жазылған. Құдай сол құрбан шалу арқылы олардың күнәсін кешем деп ойлаған. Бүгінгі күндерде олай етудің керектігі жоқ, себебі, Құдайдың құрбандық қозысы (Агнец) – Иса барлығымыз үшін құрбан болып, айқыш ағашта қайтыс болды. Бізге енді басқа құрбандықтың қажеті жоқ. Киелі кітапта жазылған нәрселердің кейбірін бүгінгі күндерде орындаудың қажеті болмаса да, оларды оқу бәрібір пайдалы және өнегелі. Себебі, онда Құдайдың болашақ жоспары, Оның махаббаты және Мәсіх жайлы айтылған. Сондықтан Киелі кітаптың барлық жері маңызды, оны оқып үйрену керек. Киелі кітапты бүгінгі оқығаннан зердемізге не тоқыдық деген сұрақты өзімізге күн сайын қоюымыз керек. Екіншіден, біз сақ жүруіміз керек және кейбір оқыған жерлерден секем алуымыз керек: „Е, мұның маған қатысы жоқ екен. Бұл сірә басқа біреуге арналып жазылған, – деген пікірден аулақ болуымыз керек. Киелі кітап саған арналып жазылған. Сондықтан, сенің ықыласың бар ма, жоқ па, мәселе онда емес, сенің міндетің- Құдайдың Киелі кітап арқылы айтқанын орындау. Киелі кітапта жалғандық бар деп ойлама. Онда жазылғандардан бас тартпа! Біз Киелі кітаптың сөзіне ештеңе қоспауымыз да, ештеңені алып тастауымыз керек.

Оқу үшін: Жырл. 118:9-16.

Сұрақтар: 1. Киелі кітапсыз біз Құдай жөнінде не біле аламыз?

2. Құдайдың қандай ерекше қасиетін біз тек қана Киелі кітаптан білеміз?
3. Киелі кітаптың құрбан шалу туралы жазған жерлерін біз орындауымыз керек пе? Қандай себептен оның қажеті жоқ?
4. Неліктен бұл жерлері бізге сөйте тұра маңызды.

Дұға: Қымбатты Иса, біз Саған Қасиетті Сөзің – Киелі кітап үшін ризамыз. Сенің Киелі кітапта біздің күнәміз кешіріледі дегенің үшін рақмет айтамыз. Сен бізге Киелі кітапты күнделікті оқуға және өсиеттерін орындауға көмектес. Әмин.

36. ҚҰДАЙ МЕНЕН НЕ ТІЛЕЙДІ?

Құдайдың баласының ең басты істейтіні – ол Құдайдың тілін алу. Тек сонда ғана нағыз бақытты болуға болады.

Мүмкін сен: „Құдай менен не тілейтінін мен қайдан біле аламын?“ – деп таң қаларсың. Бұған жауап алу үшін сен өзің осы жайында Құдайдан сұрауың керек. Бірақ Ол жауап бере ме? Иә. Ол саған қуана жауап береді. Бәлкім, саған алғаш рет Құдайға сұрақ қою және Оның қайтарған жауабын есту қиын да

болар. Әке-шешенді сен күнде көріп, айтқандарын естіп, олармен сөйлесе аласың. Ал Құдайды біз көре де, ести де алмаймыз. Сонда Оның қандай тілегі бұрын қалай білеміз?

Бұл сұраққа жауап беру қиын емес. Мысалы, өте алыста тұрған адамдардан қалай хабар алуға болады? Бұл жайлы, хат арқылы, –деп бұрында айтқанбыз. Хат тасушы хатты әкеліп берген соң, сен оқып, хат жазушы адамның не ойлайтынын және саған не айтқысы келгенін білесің.

Құдай бізге ұзақ хат жазды: ол – Киелі кітап. Егер біз оны оқи бастасақ, басқа хаттардан оның айырмашылығын білу қиын болмайды. Жай хаттардан ол әлдеқайда ұзақ, әрі қызғылықты. Онда Құдай бізден нені күтетіні және нені жек көретіні түгел жазылған. Сондықтан бізге Киелі кітапты оқу өте қажет.

Құдай бізден не тілейтінін, басқа жолмен де білдіре алады. Ол біздің тура жолмен жүріп және ешкімге қатыгездік жасамауымызды тілейді. Әдетте, ненің жақсы, ненің жаман екенін өзіміз де білеміз.

Құдай бізге егер, жамандық ойлап теріс жолға түссек, онда бақытсыз болатынымызды және өкінетінімізді білдіретін сезім берген. Егер сен бірнәрсе жасағың келіп, жүрегің мазасызданса, онда Құдай сенімен сөйлесіп, сені күнәдан сақтап қалғысы келіп тұрғанын біл. Бұл сезім – Құдай Сөзі және ар-ұжданың.

Құдай бізден не күтетінін және оны қалай тыңдауға болатынын білудің басқа да жолы бар! Ол жайында ата-анаңнан, немесе Мәсіхті кім жақсы көрсе, содан сұра?

Егер сен анық Мәсіх жолын қуушы болсаң және Иса Мәсіхті сүйсең, егер сен Құдайға құлдық ұрып, Ол күткеннің бәрін жасасаң, онда, сөз жоқ, Өзіне не керегін Құдай саған білдіреді.

Оқу үшін: Бастау 24:34-48.

- Сұрақтар:* 1. Сен Құдайдан қандай сұраққа жауап алғың келеді?
2. Құдай саған жауап беру үшін періштенің көмегін сұрай ма?
3. Құдайдың сенен не тілейтінін білдіретін, бірнеше тәсілін айт?
4. Құдай біз дұға оқығанда әрқашан бізді ести ме?

Дұға: Құдіреті күшті Құдай, өзінің бар үмітін Сенің Ұлың Иса Мәсіхке артқан адамдарың Әкесі. Сен біздің бар сұрақтарымызға жауап бергенің үшін, Саған рақмет айтамыз. Өзің бізден не тілегенінді түсінуге көмектескенің үшін, Саған рақмет айтамыз. Сенің тілегінді осы өмірде орындауға балаларыңа көмектес. Әмин.

37. МӘСІХ ЖОЛЫН ҚУУШЫЛАР НЕГЕ ӘРҚАШАН БІРЛІКТЕ ЕМЕС?

Бірде ана екі ұлына: „Сендер нан сатып әкеліндерші, мен оған дейін бақшаға барайын“, – деді. Балалар велосипедке мінді де, дүкенге кетті. Олар нан сатып алар кезде, қандай нан алу керек екенін білмей, біраз дауласты. Бірі, – шешем ақ нанды, екіншісі-қара нанды жақсы көреді, – деді. Олардың бүйтіп қызыл кеңірдек болғандарына мұны көрген жұрт бастарын шайқады.

Киелі кітаптың да кейбір жерлерін оқығанда осындай талас пікір болады. Мысалы, біз Киелі кітапта Мәсіх жолын қуушылар шоқынуға тиісті, – деп оқиымыз. Сонда шоқынуға тиісті деген не? Көптеген Мәсіх жолын қуушылар бұл жөнінде әр түрлі пікірде. Кейбірі кішкентай сәбилерді шоқындыру керек деп ойлайды, ал қайсыбірі, Иса Мәсіхті өзінің Құтқарушысы ретінде санаған, есейген адамды шоқындыру керек деп санайды. Кейбірі шоқынғанда суды басынан құю керек десе, енді бірі өзін суға батыру керек деп санайды.

Тәңір кеші (Вечерня) жөнінде де әр түрлі пікірлер бар. Сондықтан адамдардың пікірі әр алуан болғандықтан, олар әр түрлі шіркеулерге барады. Біреулері өзін баптист деп, басқалары лютеран немесе католик деп санайды, және басқа да діни сенімдер бар.

Бірақ шіркеулер әр түрлі бағытта болғандарымен, олардың ортақ бір-ақ нәрсесі бар: өздерін Мәсіх жолын қуушы деп санайтындар, біздің күнәмізді кеші-

ріп және құтқаратын жалғыз Иса Мәсіх деп сенеді. Бүлең бастысы.

Сонымен, әр түрлі шіркеулердегі адамдардың әр түрлі пікірлері болғанымен, олар Құдайды сүйеді және Оған шын ниетімен беріледі.

Сондай-ақ, Киелі кітапқа сенбейтін және оның айтқандарын орындамайтын, сонымен қатар, маңызды мәселелер жөнінде Мәсіх жолын қушыларға қосылмайтын шіркеулер де бар. Бұлар, әрине, ақиқат шіркеуі емес. Ондай шіркеуге баратындардың көпшілігі Мәсіх жолын қушылар емес және олар Иса Мәсіхтің өздері үшін өлгенін білмейді. Иса Мәсіхті уағыздайтын нағыз шіркеуге баратындардың ішінде, өздерін Мәсіх жолын қушы санағанымен, Мәсіх жолымен жүрмейтіндер де бар. Олар өздері үшін Иса Мәсіхтің өлімі не екенін түсінбейді. Олар шіркеуге бір кездері ата-аналары барған соң ғана барады, аспанға кетуге тек осы жеткілікті деп санайды. Біз мұндай адамдарды дұрыс жолға салу үшін Құдайға сиынып жалбарынуымыз керек.

Оқу үшін: Румдіктерге Хат 14:1-13.

Сұрақтар: 1. Біздің әңгімеміздің басында екі бала не үшін дауласты?
2. Мәсіх жолын қушылардың әр түрлі пікірде болатыны туралы бірнеше мысал келтір?
3. Мәсіх жолын қушыларды біріктіретін ортақ мүдде неде?
4. Шын Мәсіх жолын қушы деп кімді айтуға болады?

Дұға: Құдіреті күшті Аспандағы Әкеміз, Өзіңе сиынып жүрген тілалғыштарға деген мейіріміңнің көп болғаны үшін, Саған рақмет айтамыз. Сенің Сөзіңді есте ұстауға, Мәсіх жолын қушылардың діні туралы басқаша пікірдегілерге шыдамды болуға көмектес. Әумин.

38. КЕШІРУДІҢ МАҒЫНАСЫ НЕ?

Иса бізді ренжітетін немесе жек көретін адамдарды кешіруге үйретеді. Кешіру дегеніміз – саған әділетсіздік жасаған адамға кек сақтамау.

Егер сені біреу ұрса не істейсің? Сен де оны ұрасың ба? Егер сен оны кешірмесең ше. Киелі кітапта, бізге қатыгездік жасаған адамдарды кешіру туралы көп айтылды.

Иса Мәсіх біз өз жауларымызға қалай болуымыз керек екенін, Өзінің үлгісімен көрсетті.

Бір күндері бір миссионер* елге Исаны уағыздады. Кенеттен біреу жасырынып келді де, оны ұрып жіберді. Тыңдаушылар бұзақыға ыза болып, оны ұстап алды да, полиция шақырып айдатып жібермекші болды, осы кезде әлгі миссионер:

– Керегі жоқ! – деп айқайлады.

Жұрт оған таң қалды.

– Ол сізге қастық жасады ғой, сол үшін оны жазау керек.

– Жоқ, – деп қайталады миссионер. – Мен әлгінде айтқан Иса, маған өзіңді ренжіткен адамға да мейірімді бол, – деп тапсырды.

Сонан соң ол жәбірлеушіге бұрылды да:

– Мен сізді кешірдім, Бірақ есіңізде болсын, сіз үшін Мәсіхке қарыздарсыз, – деді.

Мұны естігендер өз құлақтарына өздері сенбей қалды. Олар Исаны таңқаларлық Адам екен деп ойлады да, ол жөнінде тереңірек білгілері келді.

Егер миссионер әлгі адаммен айқайласа кетсе не болар еді? Жұрт одан соң оның сөзіне құлақ аспас еді. Егер миссионер басқа біреу сияқты онымен керілдесіп жатса, онда олар Мәсіх жолын қушылар дініне сенуші мен сенбеушінің арасындағы айырмашылық көп емес деп ойлар еді.

Егер сені әлдекім ренжітсе оған не істеу керек екенін білесің бе? Өкпелеу мен ашулану оңай, бірақ саған Иса ашуың мен өкпенді басуға көмектеседі. Бұған біз Исадан қуат алып, Оның бізбен мәңгі бірге екендігіне қуанамыз. Ол бізді шыдамдылыққа үйретеді, соның арқасында, біз өзімізге жамандық жасағандарды кешіре аламыз, Мәсіх оларды да дәл бізді жақсы көргендей жақсы көреді.

Оқу үшін: Матай жазған Ізгі хабар 18:21-35.

Сұрақтар: 1. Өзіңді ренжіткен адамға сен қалай қарайсың?

2. Егер біз кешірсек, онда ренжіткен адамға біздің кегіміз бар ма?

3. Бізді ренжіткен адамды неше рет кешіруге болады?

Дұға: Біздің Аспандағы Әкеміз, біздің күнәмізді кешіргенің үшін рақмет айтамыз. Сен бізді сонша рет кешірдің. Бізді ренжіткендерді кешіруге үйрет. Оларды жақсы көруге және Сен туралы айтуға көмектес. Әмин.

* Миссионер шіркеуде басқа діндегілердің арасында өз дінін уағыздаушы адам.

39. СЕҢІҢ СЫЙЛЫҒЫҢ

Иса саған сыйлық дайындап қойғанын естідің бе? Бұл қандай сыйлық? Ол жөнінде менен сұрама, мен білмеймін. Бұл саған күтпеген сыйлық болсын.

Біз бұл сыйлықты алуға тиісті емеспіз, себебі, үнемі бірдеңелерді бүлдіріп, қайырымсыздық жасап, күнәға батып жүреміз. Бірақ Иса Мәсіх ондай сыйлықты алуға әбден лайық және оны бізбен бөліскісі келеді. Ол бізден бір-ақ нәрсені күтеді, біз өз өмірімізбен оған қаншалық риза екенімізді көрсетуді күтеді.

Бұл ризашылығымызды біз жер бетінде жасаған жақсы іс арқылы көрсете аламыз.

Біздің қалай өмір сүретініміз сондықтан өте маңызды. Біз жер бетінде қысқа өмір сүреміз. Мүмкін бізге 60 пен 70 жас көп көрінетін шығар, бірақ бұл мәңгілікпен салыстырғанда өте қысқа, ал Құдайдың балалары мәңгі өмір сүретінін білеміз. Бізді күтіп тұрған басты сыйлық – ол Мәсіхпен мәңгілік қатынаста болу. Мәңгі өмірге барғанда бұл сыйлықтан құр алақан қалу – үлкен өкініш. Бірақ ол кезде кеш болады. Ал қазір уақыт бар. Сенің бар өмірің алдында, сен оның бәрін тұтас Мәсіхке арнауыңа болады. Тәңір үшін өмір сүруге бала күніңнен бел бұғаныңа сай, күндердің күнінде бақытқа бөленесің.

Біз аспанға барғанда, Мәсіх біздің бар істеріміз жазылған кітапты ашады да, бізді не үшін және қалай сыйлауды шешеді. Сол сәтте небір күтпеген істер де болады. Кейбір адамдар, – Құдайға көп нәрсе жасадық, – деп ойласа да, оларға түк жазылмағанын көреді, себебі, олар Құдайды шын жақсы көрмеген. Ал түк күтпегендер сыйлық алады. Біздің алдымызда өзімізді не күтіп тұрғанын білмейміз, бірақ бізді құтқарғаны үшін Мәсіхке игілікті істерімен ризашылығын білдірген адамдар мұратына жетеді.

Оқу үшін: Корынттықтарға бірінші Хат. 3:11-17.

Сұрақтар: 1. Аспанда бізді қандай басты сыйлық күтеді?

2. Бұл сыйлықты бізге кім береді?

3. Бұл сыйлық кімге беріледі?

4. Мәсіх сені құтқарғаны үшін Оған ризашылығыңды қалай білдіресің?

Дұға:

Қыбатты Иса, бізге аспанда сыйлық дайындағаның үшін Саған рақмет айтамыз. Өзінді сүйеге, қайырымды болуға, мадақтауға көмектес. Адамдарды әрқашан өз істерімізбен қуантуға, сол арқылы Сені мадақтауға бізге күш бер. Әмин.

40. ТӘҢІР КҮНІ

Жексенбі – ерекше күн. Бұл күнді Құдай бізге әр түрлі шаруалардан босап, апта бойғы жұмыстан дем алу үшін жаратты. Жексенбіде біз – мектепке бармаймыз, ата-аналарымыз – жұмысқа бармайды. Оның есетіне, бұл күні достарымызбен шіркеуге барып, Құдайдың барлық жасаған жақсылығы үшін рақмет айтамыз. Егер жексенбілік намаз болмағанда бізге Құдайды мадақтауға едәуір қиын болған болар еді. Құдай біздің басқа Мәсіх жолын қуушылармен қатынасып, солармен бірігіп, Өзіне ризашылық білдіруімізді тілейді. Бұл-біздің жексенбі күні жасайтын нәрсеміздің ең жақсысы. Сондай-ақ, бұл күні ата-аналардың да басқа күндерге қарағанда бала-шағаларына қарайтын уақыты көбірек.

Жексенбі күні біз басқа күнгіден гөрі Құдайды көбірек еске алып және оған қуанып рақмет айтуымыз керек. Егер бұл күні жұмыс істеп, яки футбол ойнасақ, онда мұны істеу оңай болмас еді. Киелі кітапта, – Құдай әлем мен одан басқаларды жаратқаннан кейін, жетінші күні дем алып, жексенбіні қасиеттеді, – делінген. Сондықтан еврей халқы сенбі күнін құрбан шалып, үлкен шіркеуде тойлаған. Құдай Израильге: „Қасиеттеп сақтау үшін сенбі күнді бақыла, – деп жарлық етті. Ал Мәсіх жолын қуушылар Мәсіх қайта тірілген күн деп, сенбінің орнына жексенбі күнін мейрамдайды. Біз бұл күні жиналып, Құдайды мадақтап, Оған рақмет айтамыз және Мәсіх біз үшін өмірін қиып, біздің күнәмізді жуды, – деп, бұл қуанышты баршаға жаямыз.

Оқу үшін: Ишая 58:13-14.

- Сұрақтар:* 1. Жексенбі күні ең жақсы іс не?
2. Жексенбі-бір жетінің ішіндегі, біз Құдайға табынып және Оны еске алатын жалғыз ғана күн бола ма?
3. Құдай не үшін бізді, – жексенбі күні дем алсын, – дейді?

Дұға: Біздің Аспандағы Әкеміз, бізге жексенбі күнді сыйлағаның үшін рақмет айтамыз. Бізге ол күнді жарқын өткізуге көмектес. Әмин.

41. СЕН ҚҰДАЙМЕН ТАТУСЫҢ БА?

Киелі кітапта, – жарастыру, – деген бір маңызды сөз бар. Мен саған осы сөздің мағынасын түсіндіргім келеді. Егер әлдекім сенің ойыншығыңды сындырса, онда оған сен қапаланасың немесе өкпелейсің. Егер ол сенен бұл ісі үшін кешірім сұраса, онда сен оны кешіресің және еш ренжусіз қайта ойнап кетесің. Әдетте мұндай жағдайда: „Сенің ойыншығыңды сындырған баламен сен татуластың ба?“ – дейді.

Бірақ, адам сен кешірім еткеннен кейін де саған өштігін қоймаса, мұнысы оғаш нәрсе. Ол бұған қуанып, риза болуы керек қой! Бірақ, керісінше де болады: сен ол адамды кешіргенмен, ол бәрібір жаулық көзқараста қалады.

Мұндай нәрсе Құдай мен Оған сенбейтін адамдардың арасында да болады. Құдай адамдардың жаман қылығына ашуланды. Ал, кейін Иса олардың сол күнәсі үшін жан берді. Құдай сондықтан да адамдарға кешірім етіп, татуласты. Бірақ адам Құдаймен татуласпа, өте жаман. Құдай оны кешірем десе де, ол Құдайды тыңдамайды. Адамдар Құдайға қарсы келіп, не істегілері келсе, соны істейді.

Ондай адамнан Құдай не күтеді?

Адам өзінің қате істегенін мойындауы керек. Ол Құдайдан кешірім сұрауы керек. Егер ол бұлай істесе, онда Құдаймен татуласқанын бірден байқайды. Құдай оны бұрыннан сүйген, енді адам да Құдайды сүйеді. Қандай қуаныш. Адам мен Құдай татуласты.

Оқу үшін: Корынттықтарға екінші Хат 5:17-21.

- Сұрақтар:* 1. Татуласу деген сөздің мағынасы не?
2. Құдай сенің күнәнді қашан кешіргісі келеді?
3. Құдай бізді кешіру үшін не істеу керек?
4. Сен Құдаймен татусың ба?

Дұға: Қымбатты Аспандағы Әкеміз! Сенімен ренжіскеннен кейін өмір сүру қандай жаман. Сен бізге әрқашан мейірімдісің. Сен бізді қатты сүйесің, сондықтан бізге де Өзінді сүюге көмектес. Біз мұны Сенен Иса Мәсіхтің атынан сұраймыз. Әмин.

42. ҚҰДАЙҒА ҚҰЛШЫЛЫҚ ЕТУ ТУРАЛЫ

Құдайға үнемі құлшылық етудің маңызы не? Себебі, Құдай біздің басқа Мәсіх жолын қушылармен кездесіп, бір-бірімізге Құдайдың бізге жасағанын айтып, сонан соң олармен бірге Өзіне құлшылық еткенімізді тілейді. Егер біз Құдайға құлшылық етпесек, онда Оны сүю бізге әлдеқайда қиынға түседі. Құдай бізді қарым-қатынас жасауға мұқтаж етіп жаратқан.

Есіңе сақта, егер сен Құдайға құлшылық етуге барсаң, Ол сені Өзінің сүйіспеншілігі жайлы көбірек білсін және оны басқаларға да айтсын деп, жіберіп тұр. Сондықтан сен елдің айтқанын ұқыпты тыңдап, оларға бөгет болмауың керек.

Құдайға құлшылық етуге барарда Мәсіх жайлы ештеңе білмейтін өзіңнің балаларыңды ала баруың өте қажет. Сенің Иса жайында бейхабар достарың бар ма? Мүмкін сен оларды Құдайға құлшылық етуге шақырарсың? Онда Құдай оларды да қатты сүйетінін олар сонда білер еді. Балаларға уағыздаушыны ұзақ тыңдап отыру қиын. Бірақ үндемей отыру және жақсылап тыңдау өте маңызды. Кейде уағыздаушының айтып тұрғаны саған түсініксіз, болуы мүмкін. Ондай кезде отырып, ойлануыңа болады.

Егер сен сенбі күні ертең жексенбіде Құлшылық етуге баратыныңды есіңе түсірсең, сен онда „Тәңірдің Сөзін көбірек түсінуге көмектес“, – деп дұға оқы! Мұндай жақсы дайындықтан кейін саған тыныш отыру қиын болмайтынына мен сенемін.

Оқу үшін: Еврейлерге Хат 10:24-25.

- Сұрақтар:* 1. Құдайға құлшылық етуге барудың мақсаты не?
2. Құдайға құлшылық етуге барған кезде, басқа балаларға қандай көмегің тие алады?
3. Сенбі күні жексенбіде Құдайға құлшылық етуді ойлаудың маңызы неде?
4. Егер сен тыныш отыра алмасаң, онда саған Құдайға құлшылық етуге бару керек пе?

Дұға: Аспандағы біздің Әкеміз, басқа көптеген Мәсіх жолын қушылар Сен жайлы айта-тындары үшін Саған рақмет. Сен жай-

лы тәлім беретін уағыздаушылар болғаны үшін де рақмет. Оларға ақ батаңды бер және келесі жексенбіге дайындалуға көмектес. Бізге айтылғандарды түгел түсінуге көмектес. Әумин.

43. СЕН ЕР ЖЕТКЕНДЕ КІМ БОЛҒЫҢ КЕЛЕДІ?

Сен бұл жөнінде бұрын ойландың ба? Бұл өмірде мамандық көп болғандықтан, мүмкін сен қайсысын таңдарыңды білмей жүрген де боларсың. Сен дәрігер, әлде инженер, не механик, не тігінші бола аласың. Бірақ, сенің кім болып шығатыныңды біліп отырған біреу бар. Ол – Құдай. Ол уақыт келгенде саған қандай мамандық тура келетінін шын көңілмен айтады. Бұл жөнінде қайғырма.

Бірақ Құдай оны қалай айтады? Сенімен сөйлесуге онда көп мүмкіндік бар. Мысалы, Құдайдың саған берген таланты. Балалардың ішінде, тума шеберлер бар, сондай-ақ бір шегені дұрыстап қаға алмайтындар да бар, біреулері әнді жақсы салады, қайбірінің тіпті музыкаға еш икемі жоқ. Құдай сені дарынсыз етіп жаратса, онда Ол саған, мысалы, конструктор бол, – деп айтпайды. Мүмкін, Ол саған керемет талант берген шығар, сен скрипка мен пианинода шебер айнай-

тын музыкант боларсың. Мүмкін сен дәрігер, не жазушы болып шығарсың. Мүмкін, сен электрик болуды ұнатарсың, ал дәрігерлікті ұнатпауың мүмкін. Сондықтан Құдай сені дәрігер қылғысы келмейтінін сенің өз тілегің арқылы білдіреді. Әр түрлі мамандықты көз алдыңа келтіріп, соның қайсысы көбірек ұнайтынын ойша ойластырған жақсы. Сені өскен кезінде бәрінен де көбірек бір мамандық қызықтырады. Егер сен сұрасаң, мамандықты дұрыс таңдап алған-алмағандығыңды Құдай көрсетеді. Егер Құдайдан тілесек, сенің таңдаған мамандығың дұрыс па, әлде бұрыс па, Ол саған сездіреді. Кейбір ұл мен қыздар ер жеткенде кім болатынын жастайынан біледі, ал кейбіреуі оқуды аяқтағанда ғана шешімге келеді. Кейде Құдай бізге алдын ала білдірмей, біздің өмір жолымызды таңдауды, ер жеткенше күттіреді. Ол мұны бізге уақыт жеткенде білдіреді, тек үмітіңді үзбе!

Оқу үшін: Корынттықтарға бірінші Хат 12:12-31.

Сұрақтар: 1. Бізге қай мамандық ұнайтынын Құдай қалай білдіреді?
2. Біз Құдайдан ақыл-кеңес сұрасақ, Ол бізді теріс жолға сала ма?
3. Құдай әрқашан бізге балалық шағымызда бұл сұраққа жауап бере ме?

Дұға: Қымбатты Иса, Сен маған белгілі тапсырма дайындап қойғаныңды білемін, соны Сенің құрметіңе орындауға дайынмын. Менің есейгендегі өмірдегі орынымды көрсетуіңді

өтінемін. Өз уақытым келгенде маған жолымды көрсететінің сенемін. Әмин.

44. КІМНІҢ ҚҰДАЙМЕН СӨЙЛЕСУГЕ ҚАҚЫСЫ БАР?

Егер сен астанада болып, аяқ астынан мемлекет басшысымен сөйлескің келсе, сен онымен сөйлесе алар ма едің? Әрине, жоқ! Саған ерекше ұлықсат керек, өйткені оның басқа жұмыстары көп, сондықтан өзін көргісі келген адамдардың бәрімен жолығуға уақыты жетпейді. Мемлекет басшысының қабылдауында болу – ерекше құрмет, ол әркімге көрсетіле бермейді.

Құдай мемлекет басшысынан әлдеқайда жоғары, олай болса, Онымен сөйлесуге ешкімнің қақысы болмау керек. Бірақ бір таңқаларлығы сол – егер біз Оған барсақ, Ол әрқашан қуанышты, Ол бізді кез келген уақытқа шақырады. Өзіңнің Жаратушыңмен кездесуің, әрине, қызық. Сондықтан да, Ол сені шақыра қалса, оған қатты қуанасың. Осы тіршіліктің бәрін Құдай жаратқан. Ол сенің тағдырыңды да өз қолына алып, саған басшылық жасағысы келеді. Сені қабылдап тыңдауға Оның әрқашан уақыты бар. Сондықтан да сен Онымен кездесе аласың! Егер сен кездесуді тілесең, онда көзіңді жап та, басыңды төмен түсіріп,

Құдай сені қаншалықты жақсы көретінін ойла! Және Онымен барлық жайды айтып сөйлес. Оған өзіңе деген мейірімі үшін рақмет айт. Содан соң сенің күнәң үшін, өлген Иса Мәсіх үшін де рақмет айт. Жылы киім, әке-шеше және достарыңды бергені үшін де, мектепке барғаның үшін де рақмет айт, өйткені кейбір елдерде балалардың ондай мүмкіншілігі жоқ. Егер Оған қоятын өтінішің болса, онда асықпай айта бер. Сенің Одан тілерің болса, Ол тек қуанады. Құдай сені ести ала ма? Иә, Ол сенің қасыңда тұрып, сенің не айтайын дегеніңді, не ойлағаныңды біледі. Тіпті саған ойыңдағыңды айтпасаң да болады: Құдай сенің жүрегіңде не болып жатқанын біледі. Құдай сенің Оған келіп, әңгімелескеніңді жақсы көреді. Өйткені сен Оның баласысың! Ол сенің Досың және Әкең. Сондықтан да сен Оған өзіңнің келелі мәселелеріңді, мұң-мұқтажыңды тартынбай айт және Оның өзіңе деген махаббаты үшін ризашылығыңды білдір.

Оқу үшін: Еврейлерге Хат 4:16.

- Сұрақтар:*
1. Кез-келген уақытта мемлекет басшысымен сенің сөйлесе алатын мүмкіншілігің бар ма?
 2. Құдайдың қандай да болсын министрден жоғары екенін түсіндір?
 3. Біз қаншама жиі келіп, Құдаймен сөйлесе аламыз? Неге олай?
 4. Құдаймен сөйлескенде, айтатын бірнеше нәрселеріңді айт.

Дұға: Аспандағы біздің Әкеміз! Біз Саған кез-

келген уақытта келіп өз мәселемізді айта алатындықтан рақмет айтамыз. Бізді Өзіңе сиынуға үйрет, Сенің ұлы және мейірімді екендігіңді ешқашан ұмытпауға көмектес. Барлығы үшін Саған рақмет. Әумин.

45. ӨТІРІК

Құдайдың кейде сені жек көре білетіні, өзінді таң қалдырмай ма? Әдетте біз Құдай деген – ол сүйіспеншіліктің Құдайы деп ойлаймыз. Бұл шындық. Бірақ Оның да жек көретін нәрселері бар: мысалы, өтірік! Сондықтан да өтірік сөйлеуден аулақ болған дұрыс.

Құдай Өзінің балаларын ізгілікті болсын дейді, сонда олардың сөзіне түгелдей сенуге болады. Ол, айтқандарының бәрін орындайтын балалар болса екен, – деп тілейді. Мысалы олар, бір құпияны айтпаймын деп уәде берсе, онда оларға қанша жалынсаң да олар айтпауға тиісті. Ал біз үнемі шындықты айта берсек, кейде қиналып қалмаймыз ба? Әрине! Егер сен бір қате жіберіп, оны мойындасаң, сені жазалауы да мүмкін. Бірақ өтірік айтқаннан гөрі әділ жаза алған жақсы. Шындықтың орнына сен өтірік сөйлесең, онда сен екі бірдей қателік жасаған болып саналасың. Құдай сені екі күнәң үшін еріксіз жазалайды. Өйт-

кенше, әрқашан шын сөйлеп, ата-анаңнан ғана жаза тартқаның артық.

Шындықты айтатын ұлдар мен қыздар, өскенде елдің сеніміне ие болады. Олар жауапты жұмыс атқаратын болады, себебі жұрт оларға сенеді. Бірақ, кейде біз өтірік айтсақ, мақсатымызға тезірек жететін сияқты болып көрінеміз. Ол мүлде бұлай емес. Біз Құдайға сенуіміз керек. Егер біз адал болсақ, Ол бізге көмектеседі.

Оқу үшін: Ефестіктерге Хат 4:25, Колостықтарға Хат 3:9, Жохан жазған Ізгі хабар 8:44.

- Сұрақтар:*
1. Балалар өтірік айтса, кім қуанады?
 2. Кейде өтірік айту арқасында, адамдар мақсатына жетеді және оны ешкім сезбейді, сонда қалай, өтірік айтуға бола ма? Әлде жоқ па? Неге?
 3. Егер біз өтірік айтсақ, Құдай бізді кешіре ме? Егер біз өтірік айтқанымызды сезсек, онда не істеуіміз керек?

Дұға: Қымбатты Құдай, әрқашан Сен біздің қатемізді айтып отырғаныңа рақмет айтамыз. Бізді кешір және әрқашан шындықты айтуға көмектес. Біз Сенің бізге жасаған жақсылығың үшін рақмет айтамыз. Әумин.

46. БАРЛЫҚ ТІРШЛІК АТАУЛЫНЫ ЖАРАТҚАН КІМ БОЛЫП САНАЛАДЫ?

Сен саз балшық пен құмнан бір нәрсе жасап көрдің бе? Одан кәдімгі үй, не жануар шықса саған қызықты емес пе? Сен саз балшықтан тірі итті жасап көрдің бе? Әрине, жасай алмайсың. Тіріні тек Құдай ғана жарата алады. Ал, адамдардың тірі нәрсені жасау, қолынан келмейді.

Өмір қалай жаратылған? Бірінші ит қайдан келді? Жер қалай пайда болды? Киелі кітап бұл жөнінде өте қарапайым айтады: мұның бәрін Құдай біз үшін жаратқан. Оны біз ғана білеміз. Ал, кейбіреулер мұны Құдай жаратқан емес, тіпті Құдайдың өзі де жоқ деп айтады. Олардың айтуынша, бұдан миллион жыл бұрын саз балшықтың бір түйірі бөлініп, жеке өмір сүре бастады. Бұлай ойлау не деген ақылсыздық! Ол адамдар өмірдің қалай пайда болғанын білмейді, және оны жаратқан Құдай емес дегенге сенеді. Киелі кітаптың айтуынша, Құдай әлемді жаратқан соң, адамды да жаратып, оған жан кіргізді. Адамға тек Құдай ғана өмір бере алады.

Теңіз жағасында Андрей және Петір деген екі жолдас қыдырып жүр еді.

– Осы әлемді жаратқан Құдай ма, әлде басқа ма, меніңше, біз оны ешқашан біле алмаймыз, – деді Андрей.

Кенет олар құмдағы адам аяғының ізін көрді.

– Бұл жерде таңертең біреу болған екен, – деді Андрей.

– Оны қайдан білдің? – деп сұрады Петір.

– Сен, немене, көрмей тұрсың ба? Міне, жерде адамның ізі жатыр, соны көріп айтып тұрмын.

– Көрдің бе! – деп қуана сөйледі Петір. – Енді біз де сол сияқты сенімді түрде айтсақ: жерді Құдай жаратты, себебі, ағаш пен гүл, күн мен жауын Құдайдың қалдырған ізі, олар бізге Құдайдың Жаратушы екенін көрсетіп тұр.

Оқу үшін: Бастау 1:1-23.

Сұрақтар: 1. Әйтеуір бір адам тірі нәрсе жаратып көрді ме?

2. Аспанда жұлдыздар қалай пайда болды?

3. Не себептен кейбір адамдар оларды Құдайдың жаратқанына сенбейді?

Дұға: Аспандағы біздің Әкеміз, сен бүкіл әлемді жаратып, бізге өмір сыйлағаның үшін біз Саған рақмет айтамыз. Сен бір күні бізді Өз қасыңа алып, Сенімен мәңгі бірге болатынымыз үшін Саған рақмет айтамыз. Біз осындай мүмкіндік берген Иса Мәсіх үшін де, Саған рақмет айтамыз. Әмин.

МАЗМҰНЫ

Құрметті ата-аналар!

1. Бір ғана Құдай бар	5	17. Патшаның балалары	36
2. Құдай деген кім?	7	18. Иса дүниеге келгенге дейін қайда болған?	38
3. Құдай қайдан пайда болған?	8	19. Сәби Исаның басқа балалардан қандай айырмашылығы болды?	40
4. Құдайдың қайда екенін көрмесек, Оның бар екеніне қалай сенеміз?	11	20. Иса жасаған ғажайыптар	42
5. Әке Құдай, Ұл Құдай және Қасиетті Рух Құдай	13	21. Иса Мәсіхтің өлуі	45
6. Құдай адамды не үшін жаратқан?	15	22. Исаның қайта тірілуі	47
7. Ұлы Жаратушы туралы айта түсейік	17	23. Иса Өз Әкесіне қайта оралды	50
8. Періштелер	18	24. Иса тағы бір рет келеді	52
9. Шайтан деген кім?	21	25. Қасиетті Рух	53
10. Адам-ата мен Хауа-ананың жаратылуы	23	26. Мәсіх жолын қуушылардың теріс қылық жасауға қақысы бар ма?	56
11. Бұл әлемге күнә қалай келді?	25	27. Сенің жүрегіңнің тағында кім отыр?	57
12. Құдайдың ойында – күнәдан Құтқарушыны жіберу	27	28. Сенің жүрегіңнің тағында патша әрқашан болу керек	60
13. Біздің мейірімді Қолдаушымыз	30	29. Жеміс беру	62
14. Егер Исаға, – тек менің ғана Құтқарушым бола гөр, – деп өтінсек не болады?	31	30. Адамның Құдайды жақсы көретінін қалай білуге болады?	64
15. Иса мені не үшін құтқарды?	33	31. Құдай баласы күнә жасаса не болады?	66
16. Егер мен жақсы болуға тырыссам, Иса мені құтқара ма?	35	32. Біз кейде неге жазалануымыз керек?	67
		33. Құдайдан хат	70
		34. Киелі кітаптың дұрыс екенін сен қайдан білесің?	72
		35. Егер біз Киелі кітапты оқымасaq не болады?	74

36. Құдай меннен не тілейді?	76
37. Мәсіх жолын қуушылар неге әрқашан бірлікте емес?	79
38. Кешірудің мағынасы не?	81
39. Сенің сыйлығың	83
40. Тәңір күні	85
41. Сен Құдаймен татусың ба?	87
42. Құдайға құлшылық ету туралы	88
43. Сен ер жеткенде кім болғың келеді?	90
44. Кімнің Құдаймен сөйлесуге қақысы бар?	92
45. Өтірік	94
46. Барлық тіршілік атаулыны жаратқан Кім болып саналады?	96

Қымбатты балалар!

*Бұл кітап жайлы пікірлеріңді бізге білу қызығлықты.
Мына адреске бізге хабарласыңдар:*

*480114 Алматы – 114,
а/я 68
„Шығыс сәулесі“*